

瓊山縣志卷之四

建置志一 城池 附公署

瓊山縣治附郭其城即海南衛城也漢置珠崖郡

於東潭都城址尚存又於顏村側置顏盧縣城

又因顏盧為珠盧縣唐以其地置崖州附縣曰

顏城貞觀元年改為舍城五年以崖之瓊山置

瓊州於白石都乾封間沒於崗獠貞元間討復

之宋開寶五年始徙今治即漢瑋瑁地築城凡

三里紹興間許益亂管帥李諤復因舊子城而

增築為外羅城元因宋舊阮通志按方輿紀要瓊州府即古崖州城

城邑考今府城唐貞觀五年割置宋元因之明洪武己酉指揮孫安建

瓊山縣志卷四

建置一 城池

議請展庚戌指揮張榮自城西北至東南隅加

廣之計周圍六百丈高二丈五尺闊東西南三

門東曰朝陽南曰靖南西曰順化各建敵樓城

北無門建樓曰望海南築長隄引溪為濠自東

城下達抱崙村甲寅復奏請增廣自城北循東

至南長三百四十四丈高濶如舊改東門曰永

泰四隅增建角樓戊午指揮蔡玉復請加廣北

面自西至東四百餘丈通計周圍一千二百五

十三丈高二丈七尺廣一丈八尺今郡志作雉二丈八尺

堞一千八百三十三十一今郡志作四十三窩舖共三十七

今郡志作五十七濠塹周一千二百八十七丈深三丈

二尺濶四丈八尺

康熙二十二年肇慶府丞李彥靖奉上憲文勘數目不符

此依新

文改正 宏武甲子指揮桑昭於西城外增築土

城三百八丈西南北亦闢三門上各建敵樓謂

之子城成化癸巳副使涂棗改題各門東曰體

仁西曰歸義南曰定海丁酉僉事陳昭復堅築

土城又於大城環增欄馬牆嘉靖戊午知府李

慎易子城以石旋圯乙丑參議曹天佑委縣令

曾仕隆重築鄉紳參政鄭廷鵠助夫運石增砌

圍三百十二丈高一丈四尺有奇比舊堞闊一

丈二尺上殺三之一雉堞六百四十有二

今郡志作

五百三十二門仍舊制崇正辛巳知府蔣一鴻創建

瓊山縣志

卷四

建置

城池

二

東門外月城周圍寬八丈高一丈四尺比舊堞

闊八尺雉堞四十有二闕門一南向南門外月城

周四丈高濶如之雉堞三十順治乙未學道林

嗣環知府朱之光推官何澄知縣孟信各捐修

增高雉堞一尺厚五寸旋壞康熙六年丁未分

巡學道馬逢皋知府張恩斌知縣王好仁重修

委縣丞施之蔭督竣庚戌風雨損壞辛亥知府

牛天宿知縣金光房再修十一年壬子閏七月

颶風大作壞南門大樓東北角樓及高舖十二

間圯南城一十二丈東城三丈餘全城雉堞毀

十之五六巡學道王廷伊知府牛天宿同知劉

永清知縣劉源清共捐修二十四年颶風傾倒城垣六十餘丈雉堞一百二十并各門城樓子城傾倒三樓城垣五十五丈副使程憲郡守佟湘年與總鎮劉成龍文武捐俸分修程公修西北及城樓總鎮劉暨二營修東南佟公修外城及大城南樓二十六年海防潘廷侯改東門外月城門仍照大城東向三十一年郡守張萬言以各城樓爲颶風圯毀捐俸重建南樓三十三年重修東樓四十七年分巡雷瓊道焦映漢以郡城修厯多年雨風摧敗樓堞傾圯詳請兩院設處重修雍正七年颶風損壞府城堞口乾隆

瓊山縣志

卷四

建置

城池

三

三年署縣事崖州知州張理詳請動項修復四年六年疊遭颶風郡城周圍城樓窩舖堞口損壞崩塌無數八年知縣楊宗秉修復四大城樓共一十二間窩舖十間東南隅城垣二丈四尺五寸堞口三十九個又修復子城門樓三座堞口四十個共捐墊銀三百九十餘兩造冊請項撥抵三十七年知府蕭應植率屬修葺嘉慶十年知縣鄭榕捐修二十三年知縣李景沆同闔屬州縣捐修道光二十年知縣金樹本捐廉重修二十九年劉斯增修其周圍雉堞原係碎石幾成不時毀壞咸豐五年巡道黃鍾音重修換

以版築其泥則用灰沙和之并造城門上敵樓
三紳士李芳徽王子俊督理子城南北二敵樓
久圯道光二十一年知縣金樹本修復成豐五
年知縣李文烜重修俱紳士王廷傳督理舊志
海口所城在郡城北十里明洪武甲戌都指揮花
茂奏築防倭乙亥安陸侯吳傑委千戶崇寶興
築周圍五百五十五丈高一丈七尺闊一丈五
尺雉堞六百五十有三窩舖十九關四門各建
敵樓東北臨海共砌石岸九十丈復自東南延
西北浚濠長四百六十五丈闊一丈五尺深五
尺明永樂戊戌指揮牛銘復增石砌成化十三

瓊山縣志

卷四

建置

城池

四

年僉事陳昭增築欄馬牆康熙六年丁未分巡
學道馬逢臬知府張恩斌知縣王好仁加修復
壞辛亥分巡學道王廷伊知府牛天宿同知劉
永清再修十一年壬子七月值颶風崩城五十
三丈雉堞毀者三之一三門城樓俱傾分巡學
道王廷伊知府牛天宿同知劉永清知縣劉源
清復修之廿四年颶風傾倒城垣二百二十九
丈二十九郡志雉堞一百八十六并城樓四座
防廳王元臣瓊山縣朱玘同水師協鎮李尙翠捐
俸分修四十七年巡道焦映漢以海口城樓雉
堞頽圯比郡城爲尤甚詳請兩院重修焦公有
重修郡

城海口城記見藝文雍正七年颶風損壞海口城垣雉堞各州縣合力捐修乾隆四年六年疊遭颶風毀壞十一年知縣楊宗秉會同營員細估工資詳報未經奉准乃先捐銀修復城樓四座三十七年知府蕭應植率屬補修五十六年咨准部覆動項修葺嘉慶十三年知縣言尙焯捐修道光八年知縣蘇榮補葺全

萬壽宮在城內西南隅乾隆四年副使劉庶總兵武進陞瓊州知府李毓元瓊山縣知縣杜兆觀捐建中為

正殿八角龍亭一座內朝門一座三間外東西朝房十

瓊山縣志

卷四

建置

城池

五

間午門一座三間外東西官廳二間乾隆十一年巡道謝懋總兵黃有才署瓊州府知府于需瓊山縣知縣楊宗秉協捐增建內朝房十間午門外照牆內戲臺一座先是地原係廢毀天主堂雍正八年總兵官李順奏請為武義學乾隆三年奉文裁革。舊志

公署

提督學院行署在城內東南隅瓊郡隔越重洋向無分司公署亦無差使行臺康熙二十五年副使程憲郡守佟湘年始於南門直街建鄉約亭朔望聚民講約康熙三十三年太守張萬言將約亭為考院事竣仍聚民講約西向雍正十年

太守宗公思聖率闔屬紳士捐金改建府署之
左南向乾隆十年知縣楊宗秉備造八尺長試
棹五百張八尺長版發五百條列入交代以垂
永久乾隆三十五年以府署之左改建府學宮
而以城東南隅府學舊址改爲試院卽今督學
行署道光六年闔郡紳士釀金購石改砌東西
文場坐號前東西場太空濶屢爲颶風飄毀道
光二十一年知縣金樹本全紳士議改東西場
各爲兩層舊志增

按明初至中業學使按臨雷州檄瓊士北渡
赴試萬曆七年准郡人尙書王宏誨疏以海

瓊山縣志

卷四

建置一

公署

六

南道兼提學事 國初仍之康熙十五年始

以廣東提學道巡試雍正九年分設提學二

瓊隸肇高督學考校乾隆十六年督學復歸

於一惟渡海維艱故歲科兩考一時舉行志通

雷瓊兵備道署在府治之右元立海北海南道分

司於今府署元末改爲元帥府明洪武二年改

爲州署三年陞州爲府移府署於東以州署仍

爲海南道署成化二十三年太守張英復移道

署於東而以舊署還府 國朝因舊址頽圯改

明參將府爲分巡提學道署卽今公署康熙十

一年分巡學道馬逢皋王廷伊重修十六年知

縣茹鉉捐置官廳以爲屬吏候謁之所乾隆十四年巡道黃鍾重修大門儀門六房添建花廳立牌樓二十二年巡道張介祺重修二堂并補葺署中廡舍三十五年大風牌樓傾圮巡道王錦重修嘉慶二十二年護道史祐瓊山知縣李景沆修建內寢及頭門客廳道光十一年護道金蘭原重修咸豐五年巡道黃鍾音重新大

堂舊志

雷瓊道庫大使署舊以廡倉大使兼理後府倉歸併首縣倉大使裁專設庫大使署歲久坍塌乾隆三十一年署知府李璜詳建署於城內靖南

瓊山縣志 卷四

建置 公署 七

街郡志

瓊州府署在道署左即元海北海南道分司署址唐析崖州地置瓊州宋改爲安撫司元以爲元帥府而遷安撫司於東明洪武三年移建府治於安撫司之舊址成化二十三年太守張英始遷於此即今公署宏治六年太守張繼宣於堂東置經歷司西置照磨所廣盈儀從二庫在廳事左右架閣在照磨所西堂下東西始立六房同知判推列於儀門外左右其正衙後左置樓樓後置吏舍正德六年太守王子成添建官舍於照磨所後十年通判李正祥拓地增吏舍於

右曠地嘉靖四十五年府堂傾圮隆慶二年知府史朝宜重建爲正堂五楹後堂如之堂後有樓堂右爲清軍廳左爲燕思堂左前爲經歷司右爲照磨所及廣盈架閣二庫堂上左右兩序列吏舍甬道立戒石銘外爲儀門左爲土地祠卽官右爲虛受堂卽迎賓館督糧理刑二廳在儀門外左右大門外爲榜房萬曆二十九年添設撫黎廳於署左後設萬曆以前督捕理刑俱從大門出督捕自謝秉選理刑自張材各另建署門出入始更前制國朝裁撫黎通判歸併海防同知以判署爲同知公署理刑經裁公署猶在照

瓊山縣志 卷四

建置 公署

八

磨所久經裁革移經歷司署於照磨所其舊經歷署圯廢爲曠地康熙十一年大風瓊州後衙川堂及儀門全隳大堂及六房半傾知府牛天宿次第修建海防公署同時傾圮同知劉永清重修自康熙十一年修後屢遭颶風大堂五楹多被損壞至康熙四十六年州縣設處重修雍正三年知府岳綸修葺大堂乾隆二十一年署將領圮知府左興率屬捐修道光八年知府曹祥捐修二三堂及庫房吏舍十一年署知府王玉璋修葺十四年知府富爾崇阿捐修舊志增海防撫黎同知署在海口所城內其舊署原在府

治東乾隆三年奉文移駐崖州舊署存爲公館
乾隆三十五年改爲府學明倫堂嘉慶二十年
奏准令同知還駐郡城道光十三年移駐海口
所同知裴驥請以崖州舊署變價改建新署於
海口時水師都司缺裁因就都司舊署基址爲
之舊志增

經歷司署舊在府署內康熙三十九年奉裁署廢
雍正八年裁司獄復設經歷太守宗公思聖改
司獄署爲經歷司署乾隆三十一年地署知府
李璜詳建移於城內倉前街歲久又廢今其署
尙須改造舊志增

瓊山縣志

卷四

建置一 公署

九

教授署在府學西乾隆三十六年建道光二年教

授張衍基同紳士捐修郡志

訓導署在府學東乾隆三十六年建道光二年訓

導王紹會同紳士釀金修葺并添建房屋一間

十六年訓導謝承宣捐修全上

瓊山縣署在府署西南隅唐舊縣署在郡城外西

隅宋元因之明洪武二年復瓊州而縣革三年

復置縣知縣李思迪遷建於西南隅二十八年

主簿李子強建議徙瓊臺驛於城外西北隅以

便使客往來始用驛基爲今署廳堂庫禁皆永

樂九年知縣歐陽旭申請創建天順四年燬於

土寇知縣陳通復建成化三年知縣梁昕完繕
及買門外軍營廢址增建坊亭嘉靖廿四年知
縣林應采再修中爲正堂東西爲庫左右爲縣
丞主簿衙兩廊爲大房儀門內爲捕廳外則右
禁獄左神堂萬曆三十三年地震傾圮知縣龍
時雨修復康熙十一年颶風衙宇悉圮知縣劉
源清重修乾隆元年二堂損壞知縣李同重修
乾隆七年知縣江日暄修六房及靈官祠乾隆
八年知縣楊宗秉另建門房三間茶房一間乾
隆九年修葺客廳廳六間十一年重建二堂五間
增蓬三間道光元年知縣李景沆捐修大堂九

瓊山縣志

卷四

建置一

公署

十

年知縣蘇榮捐修二堂十四年知縣張德尊捐
修二堂旁屋及左右吏舍

舊志增

習藝所在縣署西北光緒三十三年知縣方紹震
建設大廳一座旁兩翼室東西二廊各四房中
間一大亭爲習藝工廠頭門一進並有更樓宣
統二年知縣王士熙推廣原所前面曠地添建
大工藝廠設講堂其中廠前建寄宿室三進室
旁有厨室厰左右建習藝室各四分習各藝西
階外有接應所所外有陳列室以原所爲犯人
住新建者住貧民學工藝諸人規制始備
案習藝所建設章程有辦公宣講堂監室工廠

貧者宿室接待室探賸室陳列場看守宿室守
衛室瞭望亭診察室檢身室病室傳染病室工
師宿室儲物室倉房寢室食堂浴室厨茶各室
不相混雜瓊山二次建造頗為元備惜開辦未
久今已停止

看守所在縣署東宣統二年知事王士熙略照舊
室改造外住監獄官內為犯人分住其西邊獄
室改造濶大要犯寄此外有高圍牆出縣署頭
門內西階開一小門通內 案改良監獄室犯
人各一房有看守室工場食室病室浴室厨室
醫診藥術等室非萬金不能改建海南地瘠民

瓊山縣志

卷四

建置一 公署

平

貧未易籌此鉅款僅照舊室改建高大四通空
氣視前黑暗如人地獄者已覺改觀

縣丞署在海口所城南門內其舊署原列縣署東
久廢地為營伍侵佔康熙二十四年都守佟湘
年於府城隍前買民地一段創官廳三間圍地
一區照牆一座縣丞趙夢龍增葺後房三間側
房二間廚房一間雍正七年奉文移駐海口權
以海口公館為署今仍之舊志增

教諭署在縣學大成門東乾隆三十五年建郡志

訓導署在縣學大成門西乾隆三十五年建道光
十一年訓導吳家樹同紳士捐修全

水尾司巡檢署在水尾汎上全

典吏署在縣後左街其舊署原在縣儀門內久廢

康熙十六年知縣茹鉉於道前官廳後空地置

屋三間側房二間權為巡捕居住未幾又廢今

典吏署乃典吏鄭健捐俸自置舊志

瓊州鎮總兵署在西門內原明察院分司署順治

九年總兵高進庫居之改為總鎮府康熙四年

總兵黃應傑拓基創建康熙十一年總兵佟國

卿重修舊志

中軍兼管左營遊擊署在城內府治西相傳此係

王尚書任郡之第其蓮花石礎尙存後因王姓

瓊山縣志卷四

建置 公署

十一

少來官有時借住至順治四年遂改建為中軍

署乾隆四十二年五十七年兩次詳修郡志增

俱郡志

左營守備署在遊擊署西順治四年建乾隆五十

八年詳修

右營都司署在城內府治西其舊署在城西南隅

順治四年建乾隆四十二年五十七年詳修今

已毀拆止存基地參郡志

右營守備營在城內靖南街順治四年建乾隆四

十九年六十年詳修

左營軍裝庫在府城北順治四年建嘉慶二十年

詳准修理

左營火藥局在府城北順治四年建乾隆五十七年嘉慶二十二年詳修

右營軍裝庫在城南順治四年建乾隆四十五年嘉慶二十年詳修

右營火藥局在城南順治四年建乾隆五十七年嘉慶二十一年詳修

海口營參將署在海口所城西門內即副將舊署康熙二十三年建

海口營中軍守備署在海口所城內劉衙巷康熙二十三年建

瓊山縣志

卷四

建置

公署

十二

海口營軍裝火藥局在海口所南門內康熙二十三年建

以上并
郡志

演武廳一在郡城北五里一在海口所南門外

許新
增

僧綱司在城北天寧寺

郡志

道紀司在城北三清觀今王皇廟

新公館在海口城南門內門面八間三層共房三十間康熙四十七年闔郡州縣捐建瓊山縣知

縣王贊董其成今改為瓊山縣丞署

舊志
增

建置志二 學校 鄉飲酒禮附

府學在府治東米慶厯四年始建於郡城東南門
詔立殿堂御書閣郡守宋守之建尊儒亭躬自
講授置學田紹興末始設學官淳熙九年帥守
韓璧重修明倫堂朱子書匾爲記見藝文慶元間
通守劉漢修廟像祭器嘉定二年帥守趙廈重
修咸淳二年教授蔣科建御書閣於講堂北八
年立進士題名碑於東波書院元立教授學正
學錄隸湖廣儒學提舉司至大二年副都元帥
陳謙亨重建大成殿皇慶元年教授陳舜佐造
祭器置大成樂器泰定四年安撫副使張珣清

瓊山縣志 卷四

建置二 學校

十三

學田置册立碑至正間教授金德新兩廡從祀
像學正符元裔補置經史諸書十三年毀於寇
明洪武三年知府宋希顏重建殿堂櫺星門戟
門闕射圃於學宮之右又建四齋曰守中興仁
恒德育才七年展城學址逼近軍營指揮桑昭
乃廢東西營以地入學廚庫饌堂號舍以次備
舉十七年立卧碑造祭器建文二年知府王伯
貞建講堂宣德初通判吳楨重修正統十一年
同知楊啟增置學舍天順六年副使鄺彥譽復
修成化初副使曹輔唐彬置祭爵建號舍五年
知府蔡浩建書樓改建櫺星門七年副使涂棐

闢射圃邢宥有記立饌堂倉庫範銅祭器邱濬
有記以明倫堂前通文廟乃移立於書樓舊址
之後前置亭立碑隸刻朱子感興詩祭酒吳節
有記八年學士邱濬於堂後置藏書石室有記
十三年知府蔣琪重建大成殿兩廡尊經閣復
遷學舍於明倫堂左二十二年僉事陳英於學
後開劔池累土築三元峯以鎮其後宏治二年
英復以副使來按重建兩廡戟門號舍張泰有
記九年太守張桓重修十年督學宋端儀以學
址舊有東坡澹菴祠久廢乃建仰止祠於儀門
之東十三年知府石璧增擴之正德初知府方

瓊山縣志

卷四

建置二

學校

十四

向增號舍四十二間提學副使給唐書宋史二
部六年知府王子成重新樂器十六年參議賀
泰釐定祭器之數繪圖勒碑於明倫堂側僉事
汪克章復修建殿廡齋署補祭器給膳田嘉靖
十年改大成殿爲先師廟設木主建敬一亭創
啟聖祠二十四年知府張子宏重修三十五年
有司增學田隆慶四年知府周思久修琴瑟教
生儒歌鹿鳴萬曆七年知府唐可封以樞星門
逼近城下乃展城遠之外立石屏上置雙龍首
鑿泮池於前改寔大門於左建尊經閣於明倫
堂後後三元峯碑於雁塔峯上三十三年廟堂多

圮三十四年知府高維嶽重建明倫堂設文會館於文廟之右三十六年知府倪棟重修三十九年知府翁汝過去泮池中橋砌左右道四十二年署知府推官危純中重建尊經閣知府謝繼科成之

清

康熙六年巡道馬逢皋倡捐重修十年被颶風巡道王廷伊知府牛天宿同知劉永清教授朱子虛捐修十一年復被颶風十四年知府王元士重建三十七年副使成泰慎更新之四十年知府賈棠建啟聖祠明倫堂五十一年副使申大成修泮池建拱橋於上周以石欄移櫺星門

瓊山縣志

卷四

建置

學校

十五

并照牆各展十數武雍正元年副使沈澄知府趙世謙知縣孫起範捐修殿廡改啟聖祠爲崇聖祠乾隆九年題准部覆動款修葺十年圮於颶風副使謝懋知府于霈知縣楊宗秉倡建紳士蕭璋等督修十八年颶風作殿廡宮牆傾圮十九年副使德明知府史效律知縣張慶長教授鍾南麟訓導謝膏露集紳士蕭璋等捐貲重修德明有記三十三年颶風殿廡門牆皆圮三十四年知府曹槐允紳士請以府治左試院地改建府學宮三十六年知府蕭應植委教授王拱訓導陳國華紳士吳位和等分董勸捐擬建殿堂

門廡泮池及崇聖名宦鄉賢名祠學使翁方綱有記五十三年紳士吳典重修易殿柱以石道光十八年知府王藻捐修殿廡以陞任去二十年知府明誼成之紳士張岳崧杜以寬等董其役易以木柱四面重簷遊廊周以垣墉階用紉陞規制悉備

縣學在府學南鼓樓之東宋建在海口浦元至正中元帥實德貨海牙重修明洪武四年知縣李思迪遷於郡東北東坡書院九年知縣陳槩遷於南郊教諭趙謙立坊表曰道義之衢學西築考古臺趙公原有專祠久廢今丁祭設位祀於明倫堂每祭縣支銀二兩四錢五分

瓊山縣志

卷四

建置二

學校

六

永樂二年知縣歐陽旭重修宣德八年繼修廊

廡何人修未詳

正統十二年同知楊啟增修市軍民

田地築堤以廣其路成化初副使唐彬涂棊相繼修葺棊更置饌堂學舍邱濬有記宏治十一

年副使陸淵遷建於府學之西建明倫堂兩齋

泮池官舍畢備正德初增立學舍二十間嘉靖

三十年訓導符山李夔置學田教諭陳湯敬建

敬一歲亭并建學舍三十三年知府張子宏推

官徐那佐以知縣吳時昭請改建文廟於明倫

堂之西鄭廷鵠有記三十五年訓導黃子祿建

啟聖祠於文廟後萬曆元年知縣文以進鑿泮

池於樞星門內七年重修海瑞有記二十一年
教諭梁尙道訓導程士章何其明改建明倫堂
並修泮池樞星門三十二年地震颶風大作廟
堂盡圯署知縣通判吳偉捐修四十三年巡按
王以甯允訓導陳汝言請建啟聖名宦鄉賢考
古四祠修門池齋垣

清

康熙六年巡道馬逢皋捐俸重建殿廡及明倫
堂教諭譚福成督修十一年秋颶風各祠石柱
皆折牆垣傾圯知縣劉源清教諭余穀會集諸
生設法捐修未就十四年僉事范養民知縣茹
鉉教諭余穀捐俸成之十八年颶風又復傾圯

瓊山縣志

卷四

建置二

學校

七

十九年海寇謝昌楊二破海口城府城危急兵
丁搬泮池石柱及墻垣石護城一望平地二十
三年副使程憲知府佟湘年知縣朱玘教諭盧
啟運訓導馬煜黎暉吉捐修二十五年颶風東
西兩廡牆垣俱倒二十八年知縣佟世南教諭
黃銓捐修三十四年知縣戴盛先復修有記三
十六七年連遭颶風兩廡儀門倒塌椽瓦俱毀
四十四年知縣王贊集紳衿設法捐修巡道焦
映漢學道翁嵩年知府賈棠同知姚哲教諭關
必登訓導黃廷濬相繼捐修雍正十年知縣余
宏仁重修改明倫堂爲崇聖祠別建明倫堂於

祠之東乾隆四年六年連遭颶風坍塌荒廢八年
知縣楊宗秉詳項重修移建名宦鄉賢二祠於大
成門側二祠原在崇聖祠左右教諭劉象年訓導鄺開來督
修三十三年颶風壞殿廡三十五年知府曹槐知
縣秦其焯允紳士吳位和等請移於鼓樓東鐘樓
廢址建殿廡大成門櫺星門泮池崇聖諸祠明倫
堂及齋署廚庫畢備三十七年工竣知縣汪屋有
記嘉慶四年署知府李戴春知縣蔡升從紳士請
市民房四所移崇聖祠至後大街移大成殿退後
三丈許道光十九年崇聖祠兩廡朽壞署知縣許
夢麟集紳士商民等議修二十年知縣金樹本繼

瓊山縣志

卷四

建置一學校

七

成市京西民房補足兩廡并修大成門二十七年
建忠義節孝祠於大成門外左右改大門爲東西
二門邑紳鄭文彩蔡藩等相繼董其事規制悉備
光緒二十三年丁酉秋月重修創舉林之椿曾對顏
粘世昭總理王國棟支應柯玉珊監工王駿聲孫
生英等初建起升梁被大風吹折九月重爲建造
移大成門入大成殿階前丈餘新建名宦鄉賢孝
弟祠補建趙考古先生專祠於名宦祠前改建節
孝祠於孝弟祠旁添建尊經閣於崇聖祠右省牲
所在左廟外東爲聖域門西爲賢關門由聖域門
入禮門門內正階有美富門趙考古專祠在階中

由階轉入為大成門正階大成門東為名宦祠西
由賢關門入義路門門內正階有仰止門孝弟祠
在階中由階轉入為大成門正階大成門西為鄉
賢祠大成門內東西為兩廡正為大成殿殿後為
崇聖祠並補刻邱文莊海忠介二公學宮碑記規
模鴻大視前更為完備一周歲始能告竣費乙萬
金有奇皆由地方捐題之款尚不敷費從仰金公
款撥銀二千餘元方完工要王國棟有記歲在丙
申棟從
廣雅畢業歸循陔養志無與時事適邑中議重修
學宮發起為林君秋舫曾君鏡英粘君璞齋等會
議數次僉謂學宮前修已六十餘年矣屢遭颶風
破壞剝落將何以崇祀典而肅觀瞻公舉棟與曾
君總任重修藉專責成設簿四路勸捐籌集鉅款
遂於丁酉六月興工先折禮殿重新上梁八月十
六

瓊山縣志

卷四

建置一學校

六

旬忽遭颶風復為傾倒石柱斷折瓦礫成堆重購
堅大木料即日營建九月秋闈揭曉曾君領鄉解
上春官一切建築事宜委棟經理揆度舊制不合
者改之遺闕者補之因兩廡過長移大成門入內
庭丈餘東西兩廡各存七間添建尊經閣於崇聖
祠右邊空地又於名宦祠前建趙考古先生專祠
以補從前祀典之闕義路禮門內中庭東建美富
門西建仰止門靈星門外東建聖域門西建賢關
門皆補舊制所未備次年秋月落成其費銀萬元
有奇諸君以棟總其成宜記其事以垂後夫瓊山
學宮由明迄今修建者二重修者六其言聖人教
人之法國家義士之恩先哲諸記詳且盡矣棟今
日不能已於言者在衛道開邪之事慨自咸同以
來約許洋人互市有傳教保教之條而西教之人
瓊遂顯與聖教樹之敵入西教者憑藉勢力報復
尋仇則激成教案而官不為持平執公法以爭之風
民伸教則大教日多聖教將有晦盲否塞之漸昔
則用夏變夷今則用夷變夏邪說並興羣言淆亂
世道人心之維繫所關者大也則今日重修學宮
尊崇聖教嚴闢淫邪俾濟濟多士彬彬生徒保存
宗教不為邪說所惑斯即孔子戒人攻乎異端孟
子闢異端閑元聖之意也後之遊庠序者讀聖人

之書尊聖人之教能身體而力行之則聖道光明如日月之經天而非浮雲陰霾之所能蔽是棟斯厚望也夫案文廟地址直五百尺橫一百二十八尺面積六萬四千方尺

光緒三十二年十二月二十日孔子升爲大祀禮部議覆奏摺竊維孔子德參兩大道冠百王爲生民以來所未有及門諸子定論昭垂自漢至明歷代帝王未嘗不事推崇而典禮終多缺略至我朝乃極崇隆聖祖仁皇帝釋奠闕里三跪九拜復以出柄黃蓋留供廟廷世宗憲皇帝釋奠臨雍稱詣學不稱幸學案前上香特諭躬親奠帛獻爵跪而不立黃瓦飾闕里之廟追封至五代爲王聖誕虔肅

瓊山縣志

卷四

建置二 學校

卷五

致齋聖諱特加敬避高宗純皇帝闕里釋奠拜跪之數黃蓋之留均法聖祖又倣世宗欽定闕里文廟之制以黃瓦飾太學文廟大成殿大成門特飾太常另繕禮節躬行三獻之儀至列聖御書文廟碑文聯匾宸章煥發尤必本配天之意務極闡揚是崇德報功之典遠軼前朝實隱然有升大祀之意引而未發今我皇太后以列聖之心爲心皇上以先師之道爲道心源默契德音孔昭曠典特頒日星彪炳跪誦之下欽服難名臣等又伏讀雍正五年諭曰堯舜禹湯文武之道賴孔子纂述修明魯論一書尤切人生日用使萬世倫紀以明名分

以辨人心以正風俗以端若無孔子則人將忽於天秩天敘之經勢必尊卑倒置上下無等干名犯分越禮悖義若不君臣不臣父不父子不子其害何勝言哉惟有孔子之教統智愚賢不肖無能越其範圍此所以治萬世之天下為生民所未有也使為君者不知尊崇孔子何以建極於上而表正萬邦乎祖訓煌煌實與此次綸音先後一揆雖今日人心好異學派或致紛歧一經顯示欽崇自足收經正民興之效謹將所議升大祀典禮另繕清單恭呈御覽是否有當伏乞皇太后皇上聖鑒訓示施行如有未盡事宜容再悉心詳議具奏先師

瓊山縣志

卷四

建置二 學校

五

既升大祀理應三擡書寫合併聲明謹奏一廟制街門三間大成門五間大成殿七間暨御碑亭十四座舊制皆覆黃瓦餘覆綠瓦今擬改為通覆黃瓦一神牌舊制朱地金書今擬金地青書一神幄及案衣舊制銷金紅緞今擬改用紅雲緞一爵舊制用銅親臨釋奠增設鑿金銀爵一鑿金銅爵二今擬均改用玉一祭品舊制十邊十豆今擬加二邊二豆為十二邊十二豆一樂舞舊制六份今擬用八份舊制專用文舞今擬添用武舞

康熙二十五年

御書萬世師表匾額頒掛學宮復頒

御製

至聖先師孔子贊並序於學宮

見藝文

二十六年

詔天下郡縣選佾舞生大合樂以祀先聖歲以春秋二仲

上丁釋奠正獻官一分獻官四五十九年

御書中和位育匾額頒掛學宮

順治九年二月禮部奉行

欽依刊立卧碑文曉示生員

朝廷建立學校選取生員免其丁糧厚以廩膳設學院學道官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列于後

一生員之家父母賢智者子當受教父母愚魯或有為非者子已讀書明理當再三懇告使父母不陷於危亡

瓊山縣志

卷四

建置二

學校

二十

一生員立志當學為忠臣清官史書所載忠清事蹟務須互相講究凡利國愛民之事更宜留心

一生員居心忠厚正道讀書方有實用出仕必作良吏心術邪刻讀書必無成就為官必取禍患

行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入即有切已之事止許家人代告不許干與他人詞訟他人亦不許牽連生員作証

一為學當敬先生若講說皆須誠心聽受若有未

明從容再問切毋妄行辨難為師者亦當盡心
教訓勿致怠惰

一軍民一切利病不許生員上書陳言如有一言
建白以違制論黜革治罪

一生員不許糾黨多人立盟結社把持官府武斷
鄉曲所作文字不許妄行刊刻違者聽提調官
治罪

康熙四十三年頒

御製訓飭士子文於學宮

雍正八年

詔勒平定青海碑文於學宮

瓊山縣志

卷四

建置二

學校

三

乾隆三年奉

上諭士人以品行為先學問以經義為重故士之自立
也先道德而後文章國家之取士也黜浮華而
崇實學我朝養士已將百年漸摩化導培護甄
陶所以期望而優異之者無所不至為士者當
思國家待士之重務為端人正士以樹齊民之
坊表至於學問必有根柢方為實學治一經必
深通一經之蘊以此發為文辭自然醇正典雅
若因陋就簡祇記誦陳腐時文百餘篇以為弋
取科名之具則士子之學已荒而上子之品已
卑矣是在各省學臣諄切提撕往復訓勉其有

不率教者即嚴加懲戒不少寬貸至於書藝之外當令究心經學以爲明道經世之本其如何因地制宜試以經義俾士子不徒視爲具文者在學政酌量行之務期有益於膠庠各省亦不必一轍我

皇祖御纂經書多種紹前聖之心法集先儒之大成已命各省布政司敬謹刊刻聽人印刷並准坊間翻刻廣行恐地方大吏不能盡心經理則士子購覓仍屬艱難不獲誦讀着督撫藩司等善爲籌畫將士子應讀之書多爲印發以爲國家造士育材之助

瓊山縣志

卷四

建置一 學校

三

先賢先儒從祀位次

大成殿正中南向

至聖先師孔子神位

東配西向

復聖顏子名回字子淵魯人少孔子三十歲

述聖子思子名伋伯魚之子孔子之孫受業於曾子

西配東向

宗聖曾子名參字子輿魯南武城人年十六受業

於孔子少孔子四十六歲

亞聖孟子名軻字子與

漢書注云

鄒人受業于思

之門人

索隱云王邵以人為衍字趙氏注及孔叢子等書皆云受業子思

東哲西向先賢六位

閔子名損字子騫魯人少孔子十五歲

冉子名雍字仲弓魯人伯牛之宗族少孔子二十

九歲

端木子名賜字子貢衛人少孔子三十一歲

仲子名由字子路一字季路卞人少孔子九歲

卜子名商字子夏衛人少孔子四十四歲

有子名若

字子若家語作子有

魯人少孔子十三歲

家語云少孔子

三十三歲

西哲東向先賢六位

瓊山縣志

卷四

建置

學校

三

冉子名耕字伯牛魯人

宰子名予字子我魯人

冉子名求字子有魯人仲弓之族少孔子二十九

歲

言子名偃字子游吳人

家語作魯人

少孔子四十五歲

顓孫子名師字子張陳人少孔子四十八歲

朱子名熹字元晦號晦庵謚日文徽州婺源縣人

東廡西向先賢四十位

遠瑗字伯玉魯人

曲阜碑作衛人

史記云孔子之所嚴事

於衛遠伯玉則非弟子也

澹臺滅明字子羽武城人少孔子三十九歲

原憲字子思魯人家語作宋人少孔子三十六歲

南宮适史記作括家語曲阜碑朱考俱作縉字子容謚敬叔孟僖子

之子懿子之兄居南宮因以為氏

商瞿字子木魯人少孔子二十九歲特好易孔子

傳焉

漆雕開字子開魯人家語曲阜碑朱考作蔡人字子若少孔子十

一歲治尙書

司馬耕集註作犁家語作犁耕字子牛宋人桓魋之弟

梁鱣一作鯉字叔魚曲阜碑字子魚咸淳志字子免齊人少孔子二

十九歲

冉孺曲阜碑作儒字子魯一作魯魯人少孔子五十歲

環山縣志 卷四

建置二 學校 三十四

伯虔家語作伯處字子析家語作子皙魯人少孔子

五十歲

冉季字子產魯人

漆雕徒父家語作從父字子期家語作子文或作子有或云子友魯人

漆雕咳字子斂曲阜碑作子斂魯人

公西赤字子華魯人少孔子四十二歲

任不齊字子選楚人

公良孺字子正陳人賢而有勇孔子周遊常以家

車五乘從

公肩定史記作堅字子中家語作子師魯人或曰晉人

鄒單一作單字子家衛人

宰父黑字子索家語作子墨魯人

榮旂家語作旂字子祺家語作子顏魯人

左人郢家語作左人復姓字行家語作子行曲魯人

鄭國字子徒魯人正義曰家語云薛邢字徒史記作國者避高祖諱薛字與鄭字

耳誤

原亢字子杭家語作元亢字子籍史記作原亢籍正義亢作亢魯人

廉潔史記作潔宋像贊碑同字庸家語作子庸衛人

叔仲會字子期晉人家語作魯人少孔子五十四歲與

孔斑一作族年相比二人迭侍孔子左右執筆記

事

公西輿如曲阜碑作公西輿字子上魯人

瓊山縣志 卷四

建置 學校 三五

邾巽家語作邾選字子歛家語作子歛魯人

陳亢字子禽家語又字亢陳人少孔子四十歲說文云論語有

陳仇

琴張又名年字子開又字子張衛人

步叔乘本家語史記廣韻注作少叔乘朱考從之字子車齊人

秦非字子之魯人曲阜碑作秦人

顏噲字子聲魯人

顏何字子冉魯人史記鄭注作晉人北齊顏之推家訓云

孔門升堂顏氏居八

縣亶字子象魯人

公明儀魯南武城人子張弟子又為曾子弟子

樂正克魯人孟子弟子傳春秋為道為屬辭比事之儒

萬章孟子弟子

周惇頤字茂叔諡元公道州營道人著有太極圖通書世稱濂溪先生

程顥字伯淳諡純公世居中山後徙河南洛陽與弟頤同受業於周茂叔著定性書闡聖學之秘與太極圖說相表裏并文集垂世世稱明道先生

邵雍字堯夫諡康節其先范陽人後徙河南著有皇極經世觀物外篇漁樵問對等書自號安樂

瓊山縣志

卷四

建置二 學校

二其

先生

東廡西向先儒三十八位

公羊高齊人受經於子夏作春秋公羊傳唐貞觀二

十一年從祀祭唐貞觀時纂成易書詩三禮春秋正義願諸學官代用其書始以注經

諸儒從祀孔庭後世遂遵行之

伏勝字子賤濟南人為秦博士漢文帝聞伏坐能治

尚書欲召之時伏生老不能行詔鼂錯往受之伏

生尚書大傳傳於世貞觀二十一年從祀

毛亨漢書云趙人嘗受詩於荀卿作詩經訓詁並小

序以授毛萇其學始顯同治二年從祀

孔安國字子國兗州人孔子十一世孫漢武帝時得

壁中尚書獻之遭巫蠱事未列學官司馬遷從安國聞古文尚書故史記載尚書多古文說貞觀二十一年從祀

毛萇字長公河間人善說詩著毛詩故訓二十卷詩傳十卷貞觀二十一年從祀

杜子春字時元河南郡人通周官後授鄭衆賈逵貞觀二十一年從祀

鄭玄北海高密人著有周易尚書毛詩儀禮禮記論語孝經尚書大傳申候乾象歷天文七政論曾禘祫禮六藝論毛詩譜駁許慎五經異義等臨孝在周禮難等書集漢學之大成貞觀二十一年從祀

瓊山縣志

卷四

建置十一學校

七

嘉靖九年改祀於鄉雍正二年復祀

趙岐字邠卿京兆長陵人初名嘉生於御史臺因字臺卿後避難改其名字示不忘本著厄屯歌二十三章孟子章句三輔決錄宣統三年從祀

范寧字武子晉陽順人著春秋穀梁集解貞觀二十一年從祀永徽中降從祀嘉靖九年改祀於鄉雍正二年復祀

陸贄字敬輿諡曰宣嘉興人申宏辭拔萃科唐德宗時外廷大議一切取裁於贄嘗曰吾上不負天子下不負所學所為奏疏剴切詳明著有翰苑集道光五年從祀

范仲淹字希文諡文正吳縣人爲秀才時即以天下爲己任宋仁宗朝出將入相功在社稷先儒論宋朝人物以仲淹爲第一著有奏議丹陽集康熙五十四年從祀

歐陽修字永叔諡文忠宋廬陵人著有易童子問毛詩本義左傳節文新唐書五代史集古錄歸田錄六一居士集宋端平二年從祀旋罷嘉靖九年復祀

司馬光字君實諡文正陝州夏縣人學無不通惟不喜釋老著有資治通鑑二百九十四卷考異三十卷目錄三十卷稽古錄二十卷孝經注易

瓊山縣志

卷四

建置二 學校

二十六

說小學類編大學中庸義潛虛篇涑水紀聞等書咸淳三年從祀

楊時字仲立諡文清南劍州將樂人調官不赴以師禮見程顥於穎昌得河洛之傳及歸顥曰吾道南矣顥卒又以師事程頤著有易中庸禮記三經義辨龜山集世稱龜山先生宏治八年從祀

謝良佐字顯道上蔡人從二程遊爲程門四子之冠伊川嘗問別後所進曰但去得一矜字伊川嘆其善學著有論語解道光二十三年從祀
羅從彥字仲素諡文質南劍州沙縣人因受業楊

時徙家陽平著有毛詩春秋語孟解中庸說台
衡錄豫章集學者稱豫章先生萬歷二十四年
從祀

李綱字伯紀謚忠定邵武人負天下之望以一身
用舍係天下安危著有易傳內外篇論語詳說
奏議文集靖康傳信錄咸豐元年從祀

張栻字敬夫號南軒謚日宣魏國公浚子四川綿
竹人聞道甚早與朱子善著有論孟太極說希
顏錄洙泗言仁錄諸葛武侯傳經世紀年等書
學者稱南軒先生景定初從祀

陸九淵字子靜謚文定撫州金谿人出呂祖謙之

瓊山縣志

卷四

建置二 學校

二十九

門著象山語錄世稱象山先生嘉靖九年從祀
黃幹字直卿謚文肅閩縣人志堅力學朱熹以女
妻之乃熹病以所著書授幹曰吾道之託在此
著有論語通釋世稱勉齋先生雍正二年從祀
輔廣字漢卿號潛菴其先趙州慶源人始從呂成
公遊又問學於朱文公終歸隱涪溪築傳貽書
院以教人著有語孟學庸答問四書纂疏六經
集解詩童子問通鑑集義潛菴日新錄師訓編
等書學者稱貽先生光緒五年從祀

真德秀字景元一作希元謚文忠浦成人韓侂胄立僞
學之日禁錮諸儒德秀晚生慨然以斯文自任

正學復明於天下著有大學衍義四書集編清源雜志讀書記西山甲乙稿對越甲乙集經筵講義文章正宗西山文集世稱西山先生正統二年從祀

何基字子恭諡文定金華人師事黃幹得伊洛之正傳著有大學中庸發揮大傳發揮易啟蒙發揮通書西銘近思錄發揮雍正二年從祀

文天祥字宋瑞號文山廬陵人宋亡殉節封信國公著文文山集追諡忠節道光二十三年從祀趙復字仁甫江西德安人爲元所執遇姚樞乃與俱北以所記程朱諸經傳注傳樞由是北人始

瓊山縣志

卷四

建置一學校

三十一

知向學著有傳道圖伊洛發揮希賢錄學者稱江漢先生雍正二年從祀

金履祥字吉父諡文安浙江蘭溪人師事王栢從何基游絕意進取著有通鑑前編論孟集注考證大學章句義疏書表注中庸標注尚書注仁山集傳其學於門人許謙世稱仁山先生明正統二年從祀旋罷雍正二年復祀

陳澹字可大南康都昌人潛心理學著有禮記集註雍正二年從祀

方孝孺字希直一字希古浙江寧海人自少好學以明王道致太平爲己任永樂登極不屈殉節

崇禎追謚文正著有遜志齋集同治二年從祀
薛瑄字德溫號敬齋謚文清河東人學本程朱其
修己教人以復性爲主人皆稱爲薛夫子著有
讀書錄河汾集隆慶六年從祀

胡居仁字叔心號敬齋謚文敬餘干人聞吳與弼
講學崇仁往從之遊其學以主忠信爲先以求
放心爲要著進學箴居業錄萬曆十二年從祀
羅欽順字允升號整菴謚文莊泰和人嘗曰人立
身居業必先打破義利關頭否則擾擾到底著
有困知記雍正二年從祀

呂柟字仲木陝西高陵人正德三年廷對第一官

瓊山縣志

卷四

建置一學校

三十一

至禮部侍郎著有易說翼書說要詩說序春秋
說志禮問內外篇四書因問史約小學釋寒暑
經圖解史館獻納宋四子鈔釋南京奏稿涇陽
詩文集學者稱涇野先生同治二年從祀

劉宗周字啟東號蕺山謚忠介浙江會稽人其學
以存誠爲要居敬爲功歸本於慎獨著有劉子
全書百餘卷學者稱念臺先生道光二年從祀
黃道周字幼平謚忠端漳浦人學貫古今尤精天
文歷數皇極諸書著有易象正三易洞璣太函
經學者稱石齋先生道光五年從祀

陸世儀字道威江南太倉州人少從蕺山講學歸

而鑿池十畝築亭讀書其中故號桴亭著有宗
禮典禮折衷治鄉三約八陣法門城守要畧思
辨錄輯要禮衡易窺詩鑑書鑑春秋討論讀史
筆記光緒二年從祀

顧炎武字寧人號亭林江蘇崑山人著有春秋左
氏杜解補正古音表易音詩本音唐韻正音論
五經異同九經誤字五經考天下郡國利病書
肇域志日知錄石經考金石文字記二十一史
年表歷代帝王宅京記建康古今記營平二州
地理記昌平山水記山東考古錄論觚菰中隨
筆文格論亭林詩文集等書光緒三十四年從祀

瓊山縣志

卷四

建置一學校

三十一

湯斌字孔伯號潛菴諡文正河南睢州人嗜宋儒
書官參議時乞歸從孫鍾元講學蘇門所得益
邃著有湯子遺書潛菴集洛學編睢州志明史
稿道光三年從祀

張伯行字孝先號敬菴河南儀封人諡清恪著有
道學源流錄道統錄伊洛淵源錄理學粹語學
規類編近思錄集解續近思錄廣近思錄困學
錄居濟一得正誼堂集表章宋明諸儒刻正誼
堂全書光緒四年從祀

西廡東向先賢三十九位

鄭公孫僑咸豐六年學臣俞樾奏請從祀

林放字子邱魯人

宓不齊字子賤魯人少孔子四十九歲家語云少孔子三十歲宓

同伏伏生其有後也有宓子著書十六篇

公治長家語云名萇字子長范甯云字子芝齊人家語云魯人

公哲哀家語云公哲克字季次齊人

高柴字子羔禮記又作子皋衛人家語作齊人朱考云齊人為衛士師少孔

子三十歲

樊須字子遲齊人家語朱考俱作魯人少孔子三十六歲

商澤字子季家語作子秀魯人

巫馬施字子旗曲阜碑朱考家語俱作子期魯人一作陳人少孔子

三十歲

瓊山縣志 卷四

建置三 學校

三十三

顏辛史記宋像贊碑皆作顏幸字子柳魯人少孔子四十六歲

曹卹字子循蔡人少孔子五十歲

公孫龍字子石楚人家語作衛人少孔子五十三歲

秦商字子丕楚人家語作魯人字丕茲少孔子四歲偃陽之

役其父秦華父與孔子父俱以力聞

顏高家語名刻一作產字子驕魯人孔子在衛南子招孔

子為次乘顏高為御

壤駟赤或曰壤駟復姓字子徒家語作子從秦人

石作蜀家語作子蜀或曰石作復姓字子明秦人

公夏首家語作公夏守字乘魯人

后處家語作石處字子里家語作里之齊人

奚容蒧字子皙家語作蒧魯人史記正義作蒧

顏祖家語作顏字襄魯人

句井疆字子野家語作句井疆字子界山衛人

秦祖字子南秦人

縣成字子祺家語作子橫魯人

公祖句茲句一作鈞家語作公祖茲字子之魯人

燕伋字思家語作燕秦人

樂欬一作款家語作樂欬字子聲魯人

狄黑字皙曲阜碑朱考衛人曲阜碑作魯人

孔忠家語作孔弗字子蔑魯人孔子兄孟皮之子

公西戲字子上家語作子尚魯人

瓊山縣志 卷四 建置 學校 三

顏之僕字叔家語曲阜朱考魯人

施之常字子恒家語作子常魯人

申棖字子績魯人史記曲阜碑又有申黨家語作申績或作績史記正義云或作

宋像贊碑云字周魯人按申棖字子績申黨

字子周家語但有申績字子周而無申棖續

子績子周實皆一人矣又按後漢王政碑云有

羔羊之繫無申黨之欲是又申棖即申黨之證

左邱明魯之太史或云楚左史孔子將修春秋與

左邱明乘如周觀書於周史歸而作春秋之經

邱明為之傳

秦冉字開曲阜碑朱考蔡人

牧皮力牧之後與琴張曾皙為友孔子之所謂狂也

公都子孟子弟子

公孫丑齊人孟子弟子傳易為道為潔淨精微之

儒

張載字子厚長安人著有正蒙西銘易說禮樂說

論孟說語錄文集學者稱橫渠先生

程頤字正叔河南洛陽人顛之弟著有易春秋傳

經說四書註遺書外書文集學者稱伊川先生

西廡東向先儒三十七位

穀梁赤一名淑又名喜字元始又名應邵受經於子夏傳

瓊山縣志

卷四

建置

學校

三五

春秋作穀梁傳貞觀二十一年從祀

高堂生魯人漢博士按謝承云秦氏季氏有魯人高堂伯則伯是其字云生者

自漢以來儒者皆稱為生傳儀禮十七篇貞觀二十一年從

祀永徽中降從祀宋大中祥符二年復祀

董仲舒字寬夫廣州人下帷講誦三年目不窺園

作春秋繁露傳公羊學漢景帝時為博士武帝

策賢良對天人三策擢第一出為江都相陳正

誼不謀利明道不計功之言粹然皆出於正為

漢儒冠至順元年從祀

劉德景帝第三子封於河間世稱河間獻王修學

好古實事求是所得先秦舊書周官尚書禮經

禮記孟子孝子等書兼通六藝奏立毛氏詩左氏春秋博士光緒三年從祀

后蒼字近君漢東海鄰人通詩禮作曲臺記嘉靖中從祀

許慎字叔重召陵人少博經籍時稱五經無雙許叔重著五經異義說文解字光緒二年從祀

諸葛亮字孔明諡忠武後漢琅邪陽都人出處之正三代下一人程子稱其有儒者氣象著有心新二書雍正二年從祀

王通字仲淹絳州河津人年十五志學潛心易書詩禮樂不解衣者六年學專且精曾上太平十

瓊山縣志

卷四

建置一學校

三十六

二策不見用退隱河汾教授及門續詩書正禮樂贊易道九年而六經就溯自獲麟之後歷秦漢至後魏著紀年之書曰元經又依孔子家語揚雄法言為問答之說曰中說公侯將相皆出其門世稱文中子嘉靖九年從祀

韓愈字退之諡文昌黎人一作河南修武人著原道以明

道統隱然以身任之教授國子成就後進學者仰之如泰山北斗著有論語筆解昌黎集四十卷宋元豐七年從祀

胡瑗字翼之海陵人教授湖州設經義治事二齋以教人成才者衆慶歷中太學取其法著為合

著有易書中庸義景祐樂議安定易傳周易口訣世稱安定先生嘉靖九年從祀

韓琦字稚圭諡忠獻河南相州人歷仕三朝兩定大策朝廷倚以為重封魏國公後贈魏王著有諫垣存及奏議咸豐二年從祀

呂大臨字與叔其先汲郡人祖太常博士通葬西安府藍田遂家焉始學於橫渠傳禮學後東見二程造詣益純所陳選舉狀皆救時要策可見施行光緒二十一年從祀

游酢字定夫建陽人從二程學與楊時齊名稱為游楊著有易說詩二南義中庸義論語孟子雜

瓊山縣志 卷四

建置 學校

三七

解定夫集光緒十八年從祀

尹焯字彥明一字德充洛陽人師事伊川有篤行靖康初召至懇辭還山賜號和靖處士著有論語解及門問答傳於世雍正二年從祀

胡安國字康侯諡文定福建崇安人王安石廢春秋安國曰此聖賢傳心之要典乃潛心是書作春秋傳又著資治通鑑舉要補遺一百卷文集十卷正統二年從祀

李侗字愿中諡文靖劍浦人受業羅從彥得河洛之學其教人必自反身自得始朱子嘗師事之著有延平問答及語錄世稱延平先生隆慶六

年從祀

呂祖謙字伯恭諡文亮金華人好問之孫其學本於家庭又與朱熹張栻爲講友考索益精著有考定古周易書說春秋左氏傳說續說東萊博議辨志錄圖範言箴文鑑呂氏家塾讀詩記等書學者稱東萊先生景定初從祀

袁燮字和叔諡正獻鄞縣人從陸象山學大悟本心洞澈貫通之旨發明師說著有絜齋家塾書鈔絜齋毛詩經筵講義等書學者稱絜齋先生同治七年從祀

陳淳字安卿龍溪人受業朱子恬退自守書無不

瓊山縣志

卷四

建置一 學校

三六

讀物無不格著有學庸論孟口義詳講詩禮女學北溪字義學者稱北溪先生雍正二年從祀蔡沈字仲默諡文正建陽人西山仲子少從朱子游朱子欲注書遂以屬沈研求數十成書傳西山得洪範之數未及著論沈著洪範皇極內篇學者稱九峯先生正統二年從祀

魏了翁字父華號鶴山諡文靖四川蒲江人嘗以論事忤史彌遠坐謫築室白鶴山下開門授徒由是蜀人咸知理義之學著有九經要義周易集義易舉隅周禮井田圖說圖史雜鈔鶴山集學者稱鶴山先生雍正二年從祀

王柏字會之號長嘯更號魯齋諡文憲金華人聞
何基嘗從黃幹得朱子之傳卽往從學授以立
志居敬之旨著有書疑詩疑讀易記涵古易說
大象衍義涵古圖讀書記讀春秋記論語衍義
伊洛精義研幾圖論孟通旨濂洛文統朱子指
要及天文地理帝王歷數詩文集共四十種雍
正二年從祀

陸秀夫字君實鹽城人讀書通日端坐率由理法
事君以忠播越海濱每朝會正色自立卽至崖
山戰敗驅妻子入海舟中猶講大學章句尋負
帝蹈海而死咸豐九年從祀

瓊山縣志

卷四

建置 學校

三十九

許衡字平仲諡文正河南懷慶人嗜學如飢渴夜
思晝誦身體而力行之從姚樞學得程朱遺書
讀之益大有得世稱魯齋先生皇慶二年從祀
劉因字夢吉容城人追封容城郡公諡文靖著有
靜修文集宣統三年從祀

吳澄字幼清諡文正崇仁人一作臨川人自幼以聖賢

自期杜門著述作學基學統使人知學之本著
有孝經章句易書詩春秋纂言儀禮周禮大小
戴記作三禮考注及老子莊子皇極經世文集
學者稱草廬先生宣德四年從祀宏治八年罷
乾隆二年復祀

許謙字益之諡文懿其先京兆人元時由平江徙
金華受業於金履祥盡得其所傳教人至誠醇
篤獨不教以科舉文曰此義利所由分也著有
四書叢說詩名物鈔書傳觀史自省篇白雲集
學者稱白雲先生雍正二年從祀

曹端字正夫河南滎池人著有四書詳說太極圖
通書西銘釋義經述解性理文集儒宗統譜家
規輯存疑錄夜行燭又嘗作月川交映圖擬太
極門人稱爲月川先生咸豐十一年從祀

陳獻章字公甫諡文恭廣東新會人從吳與弼講
學臨川歸築陽春臺居之其學以靜爲主世稱

瓊山縣志

卷四

建置二 學校

四

白沙先生萬歷十二年從祀

蔡清字介夫諡文莊晉江人著密箴五十條書置
臥處又著易經四書蒙引綱目垂筆其學初主
靜後主虛世稱虛齋先生雍正二年從祀

王守仁字伯安諡文成浙江餘姚人爲學以致良
知爲本發明知行一合之旨學者從遊徧於天
下平定東南行軍用兵從操勝算爲向來儒者
所未有以功封新建伯著有陽明全集學者稱
陽明先生萬歷十二年從祀

呂坤字叔簡號新吾河南寧陵人以瑟僞爲治心
之要著有呻吟語紀道脈圖四禮翼去偽齋集

實政錄世稱沙隨夫子道光五年從祀

孫奇逢字啟泰一字鍾元號夏峯直隸容城人潛心濂洛諸儒之學兩朝徵聘十一次不起天下稱爲徵君著有讀易大旨尚書近指四書近指中州人物考理學宗傳聖學錄歲寒居文集道光八年從祀

黃定羲字太冲餘姚人從劉蕺山學私淑姚江能發明師說兼通諸儒之學術輯宋元學案二程學案明儒學案數百年學術揭發無遺生平無書不讀上下古今白天文地理諸子百家之說無不精研所著易學象深衣考今水經四明山

瓊山縣志

卷四

建置

學校

十一

表歷代甲子考明夷待訪錄大統法辨時憲書法解新交食法圖解剖圖八線解授時法假如西洋法假如回回法假如宋史叢目補遺明史案續宋文鑑明文在明文海南雷文定文約南雷詩歷數十種行世光緒三十四年從祀

張履祥字考夫號念芝又號楊園桐城人學以窮理居敬爲本師法考亭曾從劉念臺游不盡從其所學而仍以程朱爲法所著楊園全書分經正錄願學記問目備忘錄詩書初學備忘學規訓子語答問門人所記言行見聞錄近古錄近鑑喪祭雜記農書十六種同治十年從祀

王夫之字而農號薑齋衡陽人隱於湘江之石船
山晚號船山著有周易內傳外傳大象解稗疏
考異書經稗疏考異引義詩經廣傳稗疏考異
春秋論世家說續春秋博議四書義訓稗疏考
異讀通鑑論宋論正蒙義釋思問錄內外篇莊
子解莊子通楚詞通釋注釋老子召覽淮南子
自定詩文集等書光緒三十四年從祀
陸隴其號稼書諡清獻浙江平湖人居敬窮理宗
法考亭著有四書大全松楊講義困勉錄三魚
堂集雍正二年從祀

崇聖祠

瓊山縣志

卷四

建置二 學校

四三

肇聖王木金父位正中南向
裕聖王祈父位東一室南向
諡聖王防叔位西一室南向
昌聖王伯夏位東二室南向
啟聖王叔梁紇位西二室南向

東配西向先賢

孔孟皮孔子兄戚豐六年學臣俞樾奏請從祀

顏無繇字路淵之父孔子始教闕里遂受學焉

少孔子六歲

孔鯉字伯魚子思之父生於昭公九年既長昭公

以幣聘之稱疾不行

西配東向先賢

曾點史記作蒧宋高宗先賢傳贊碑司字皙曾參之父

孟孫氏名激孟軻之父

東列西向從祀先儒

周輔成周敦頤之父

程珦程顥程頤之父

蔡元定字季通蔡沈之父朱子叩其學曰此吾老友也不當在弟子之列著有律呂新書學者稱

西山先生

西列東向從祀先儒

張迪張載之父

朱松字喬年朱熹之父究心河洛宗旨成大儒嘗

瓊山縣志卷四

建置二 學校 三 聖

謂福急害道因取佩葦之義號曰葦齋

木主定式

至聖先師孔子神位木主高二尺三寸七分濶四寸厚

七分座高四寸長七寸厚三寸四分朱地金書

四配木主各高一尺五寸濶三寸二分厚五分

座高四寸長六寸厚二寸八分十哲及東西廡

先賢木主各高一尺四寸濶二寸六分厚五分

座高二寸六分長四寸厚二寸東西廡先儒木

主各高一尺三寸四分濶二寸三分厚四分座

高二寸六分長四寸厚二寸俱赤地黑書啟聖

祠同

名宦祠在大成門東祀歷代名宦二十五人

李思迥 陳 槩 陳永彰 劉鶴齡

吳邦俊 龔漢臣 蔣 科 趙 謙

林志 陳應禮 梁尙道 林嗣環

吳啟爵 朱之光 張萬言 何 澄

賈 棠 孫起範 朱宏祚 關必登

楊文乾 王 贊 孔毓珣 楊宗仁

祁 墳

鄉賢祠在大成門西祀歷代鄉賢五十三人

姜唐佐 陳 孚 陳應元 蔡 微

唐誼方 張善教 唐 舟 王克義

瓊山縣志 卷四

建置二 學校 里上

薛 遠 邱 濬 邱 敦 林宗哲

馮 禺 唐 胃 陳 寶 吳 效

蔡士儲 蔡伯祥 林士元 陳大章

陳 常 汪有執 俞宗梁 曾 鵬

吳會期 楊 愷 吳 誠 陳天然

鄭廷鵠 黃 顯 廖士衡 許益光

李應和 黃宏宇 海 瑞 陳傅嘉

黃宏憲 劉裁正 陳應辰 王汝為

梁雲龍 陳大有 王時元 陳大烈

王天麟 許子偉 林應龍 何其義

陳邦頌 謝應華 潘之楫 張紹美

梁思泰

鄉飲酒附

明洪武初年詔歲孟春孟冬有司與學官率鄉老
行鄉飲酒禮於學校十六年始定制歲以正月
望十月朔舉行先期預推境內士大夫齒德尊
者為賓次為介為眾賓肅啟延之屆期味爽執
事者宰牲具饌布席主及僚屬司正先請學遣
使肅賓比至執事者報賓至主率僚屬出迎庠
門外三揖三讓而後升堂再拜就位賓位西
主位東司
正行揚觶禮執事者授酒司正舉酒揚觶曰恭
惟朝廷率由舊章敦崇禮教舉行鄉飲非為飲

瓊山縣志卷四

建置二 鄉飲酒 四十四

食凡我長幼各宜勸勉為臣盡忠為子盡孝長
幼有序兄友弟恭內睦宗族外和鄉里無或廢
墜以忝所生讀畢司正飲酒畢復位乃唱讀律
令執事者舉案引讀律令者至案前北面立賓
僕以下皆供聽聽畢各揖就位執事者舉饌案
賓主交置酒於席畢各就位鳴鐘鼓歌鹿鳴諸
詩執事者唱獻酬獻酬畢交拜就位執事者唱
飲酒或三行
或五行乃起執事唱徹饌主東賓西贊兩
拜東向望闕謝恩揖出主人送賓以次下堂分
東西行三揖出庠門而退

清順治二年

詔行鄉飲酒禮於學宮康熙十七年奉裁鄉飲銀春冬共銀

二十禮遂寢二十三年奉文復給六兩乃復舉

行或行或寢雍正元年復奉

旨加謹舉行乾隆二年刊發儀注坐次圖式於學宮

瓊山縣志 卷四

建置三 鄉飲酒

甲三

宋

東坡書院在郡城北以東坡安置昌化時嘗寓此
有雙泉遺蹟後北歸郡人思之建書院肖像記
焉外有錦衣堂洞酌臨清濯纓等亭元設山長
為生童肄業之地置學田租七十石趙孟頫書
額明天順間遷小西門外舊址遂廢成化四年
知府蔡浩復遷於府治東十二年知府蔣琪重
修亦呼東坡祠

附郭社學宋慶元初郡守劉漢創建

仁政鄉校在遵都鄉人捐建元廢今故址尚存

瓊山縣志

卷四

建置三

書院

四三

元

珠崖鄉校在縣南十九里上那邕都今廢

惠通鄉校在縣東四十里符離都今廢

家占學今廢

明

桐墩書院在縣東五里正統間貢生陳文徽建學
士劉儼有記

同文書院在府治西成化九年副使涂棊建歲久

坍塌後為參將署 清朝順治四年改為游擊署

奇甸書院在郡城西北隅大學士邱濬建後改景

賢祠今為文莊專祠

西洲書院在郡城東一里許正德間侍郎唐曾建
叅議張簡題曰養優書院後副使王宏按瓊始
易名西洲今廢

崇文書院在府治東舊城隍廟基址嘉靖三十二
年副使陳茂義建初祀督府蔡經翁改為書院
後圯

石湖書院在博崖都西湖上嘉靖間叅政鄭廷鵠
創建今廢

粟泉書院在金粟泉上即宋東坡書院舊址萬歷
乙卯郡守謝繼科建講堂及書舍十間置田以
贍生徒久圯買胡大勳田一庄共十一坵價銀三十兩每年租米三石六斗七升

瓊山縣志

卷四

建置三 書院 又三

撥許大沒官田一庄土名六角井共三十坵每年租米一十三石零七升候可贊田土名洗馬橋等三坵每年租米一石九斗一升經推官傅作霖委勘丈量分貼收租為諸生會課肄業資
石門義學在大攝都成化間貢生吳旦等建置田
供學之資大學士邱濬有記

南關精舍在郡城南郭旁有坊曰道義之衢宏治
間邑人吳效等建

敦仁義學在縣西萬歷間給事中許子偉及林有
鶚等建以學行庠生馮生虞為師

城東社學在東門外南濠街

城南社學有二一在小南門外洗夫人廟左一在

大南門外沙井南明末已廢兵民雜居 國朝

康熙七年貢生張履吉生員陳九德等呈請鎮
府會勘清復舊址

城西社學在四牌樓西街

城北社學在海口南門外

珠崖社學在上那邕都

仁政社學即宋鄉校舊址

以上七學俱成化間建

衛學應襲書館在舊衛治東宏始間副使陳英建

設掌教一人專訓武弁子弟

水會社學在林灣都萬曆二十八年撫黎通判吳

俸建延師專訓黎童并置學田今廢

瓊山縣志

卷四

建置三

書院

四

按明初詔天下每十五家設一社學延生員有
學行者訓軍民子弟正統景泰間復檄郡邑
選良士主社學以訓童蒙舊志載成化間瓊
山社學八十有一可紀者僅存其七餘俱無

考
府志

清

瓊臺書院在郡城內丁字街康熙四十九年巡道

焦映漢創建集闔郡生童肄業其中始置田產

以資膏火五十年巡道申大成立社課文每月

給諸生銀一兩佐薪水之費乾隆元年巡道黃

錚因府治義學原有北冲河口攀丹北麻等田

及藩司撥入定安陳村田十一丁至雍正十年
知府宗憲聖將攀丹北麻田撥入文明樓爲香
火費尙存陳村北冲河口田三處共二十五坵
一十一丁後義學荒廢錕以陳村田撥入書院
五年巡道劉庶又將北冲河口田併歸書院三
十八年巡道德慶重修嘉慶二十三年督學傅
棠捐助經費洋銀四百員二十五年巡道費丙
章倡率官紳捐集洋銀五千餘員添買西邊民
房一所改建書院轉向南圍以垣塘旁闢大門
西向恢擴基址增修書舍除支銷工費外尙餘
錢三百五十千文道光五年巡道周鳴鑿復倡

瓊山縣志

卷四

建置三

書院

四五

官紳續捐銀四千兩七年巡道喻溥又捐俸錢
四百千文陸續置買田地數處尙餘錢三千零
八十四千零分交瓊山縣及庫大使轉發當商
生息每年所有各項利息銀錢由該管有司催
收按季批解道庫支給掌教監院修脯及正內
課生童膏火視舊倍增各有定額經前道周鳴
鑿詳議章程條規咨呈院司備案勒碑存院二
十九年巡道黃宗漢將南邊齋舍改大門南向
西邊添造齋舍兩間並增士子膏火

雁峯書院在城內東南隅舊邵庠遺址面對雁塔
三元峯故名雁峯社學乾隆三十六年邑紳吳

福等八家

吳福吳必祿杜常輝馮文煥溫星陽溫維新何朝輔毛映斗共八家

共捐銀四千而建講堂五間東西齋十二間大門三間除修建工費外餘銀生息以爲延師修脯歲久傾頽道光三年署知縣于學質捐廉倡集邑紳共捐洋銀五千四百七十六員并銅錢三百一十千文又紳士吳玠繳出前存本息銀二千二百員合共銀七千六百七十六員并銅錢三百一十千文修葺講堂齋舍拔貢生王天佑綜理其事除修葺工費并置買田地外尙存錢二千千文發當商生息添設生童膏火改其額曰瓊山雁峯書院議定一切規條通詳各憲立案勒碑存

瓊山縣志

卷四

建置三 書院

四

院道光九年知縣蘇榮集紳士續捐洋銀三千八百六十員付林瀛王魁衡收掌易制錢三千千文連前統計本錢五千千文均發當商生息咸豐元年知縣張需允邑紳蔡藩張伯琦黃建策等請集官紳商民捐資重建工竣尙存捐資錢二千餘千文連前項共錢七千餘千文除咸豐六年置買漢眉庄田二契共去錢四千九百六十千零四百七十文尙存錢二千餘千文俱交當商生息以爲修脯膏火之費肄業正內課生童膏火額數與瓊臺書院同

蘇泉書院在浮粟泉上乾隆十年知府于需知縣楊

宗秉因二蘇祠捐建堂舍通計四十七間前大

楹後講堂三楹中間捲簾二間大廳前左右學

舍六間其東鑿山長壑二二進二級其學舍

二十八間其復於泉上建六角亭翼以雕欄欄

外鑿池植荷以為息遊之地共費銀二千餘兩

知府于需有記載藝文○舊志廳堂俱云重修

碑作新建浮粟泉上亦作浮粟

泉十七年改建龍王廟泉上堂廳俱廢其餘歲

久亦漸次傾圮三十九年巡道陳用敷知府蕭

應植同知陳景垣率闔郡官紳建復講堂後堂

文奎樓各三楹於舊址之右而祠二蘇於堂陳

用敷為之記未幾復圮五十八年知府葉汝蘭

倡率官紳捐資重建前為書院講堂後為二蘇

祠嘉慶十四年知府張增重修仍稱東坡書院

海門書院在海口所城北門外江張二公祠之左

雍正間郡人陳國安等倡建以祀太守宗思聖

并置書院前舖屋二間歲收租銀為香火費日

久傾圮乾隆間商人義利行等捐項重修餘存

貯以垂永久

瀛海書院即海門社學在海口所城內康熙十八

年官紳商民捐建外鑿東西月池編植芙蓉知

縣茹鉷董其事有記後為水師右營守備署四

十一年生員郭九圍等呈請督撫批府斷該營

繳價銀一百兩知府買棠詳明置買攀丹等處

瓊山縣志

卷四

建置三 書院

四七

田歸八府治義學監生譚世傑等欲復其舊醜
金未足乾隆三十一年生員嚴孔熾等首倡勸
捐得洋銀八百有奇別購地於海口所城東北
隅建講堂齋舍大門門前有池池中建魁星樓
一座顏曰蔚文樓且以石橋年延師講習知府
蕭應植有記道光二十三年監生麥成澤文其
煥等倡捐重修齋舍并修講堂大門改名瀛海
書院

南關義學在鄉約後康熙二十五年副使程憲郡
守佟湘年建今廢

府治義學在府署大門內右本經歷司舊廨康熙

瓊山縣志

卷四

建置二 書院

吳

四十一年知府賈棠改爲義學捐俸延師集闔
郡生童肄業復置北冲都田二十五畝以供膏
火後廢田歸瓊臺書院

珠崖書院卽府治義學久廢

珠崖義學在郡城西南隅久廢道光八年巡道喻
溥修復各鄉義學查其房舍已爲吳氏管業乃
令瓊山縣蘇榮勸瑾子孫捐出復建義學以還
舊每年延師修脯由瓊山縣按季捐之

樂古書院在郡西十里小英村明宏治間提舉汪
廷貞建爲義學內有懷沙亭後廢舉人陳家修
柯呈秀等修葺歲久復圯 國朝道光七年廩

生陳瀛柯拔萃等捐修郡守曹祥知縣錢萬選
撥每年鹽批錢四十千文為延師脩脯

棲賢軒在北點村明結社軒中讀書者先後登鄉
會榜十餘人如進士符銘舉人馮士俊馮源馮

濬三父子周冕周諤二兄弟符奎符貞梁繼張

玉張瓚俱從軒中擢巍科

採訪
冊

三台書舍在雷虎都儒本村乾隆間吳啟賢等倡
建并置學田進士王之藩舉人吳魁朝王榮誦

讀於此同科中式有文風丕振匾額今尚存

採訪

鼇峯社學在靈山六神廟右乾隆四十七年郡守

蕭應植率屬同建

瓊山縣志

卷四

建置三 書院

四九

寶蔭社學在大那邕都乾隆八年吏員吳宗義建

虎峯書舍在雷虎都儒成村乾隆間鄭文舉等重

建捐貲以備脩脯

蔚起社學在文興都乾隆間吳龍馮有琥全符蘇

二姓建捐貲以備脩脯膏火歲久傾圮膏火不

充琥孫獻琛倡捐重修存貯生息以垂永久

範賢義學在郡城小西門內舊為文昌閣道光八

年貢生林瀛等呈請知縣蘇榮改為義學

翰香書院在暫都咸豐二年附貢王中裕吳攀桂

全各圖衿耆等捐建捐資興錢一千餘千文交

殷寶衿耆掌管生息以為院考鄉會試卷資公

文明義學在龍塘都永拱村咸豐三年生員陳治典
集眾建

蔚文社學在蘇尋二圖牛山地咸豐四年馮思循集
眾建

炳文書院在舊州墟舊爲文昌閣咸豐六年紳士高
錫淳黃振仁協全各都市矜耆商民等捐建改爲
書院并捐錢千餘緡交當商生息以爲賓興之費
以上俱
舊志

肇經書院光緒十年舉人馮驥聲與瓊山縣陳起偉
創建撥猪稅每年銀乙千元爲經費專課經史詞
章之學瓊人之知實學自此始但創建之初無多

瓊山縣志

卷四

建置三 學堂

至一

經費限於地基外爲仰金公所東爲雁峯書院西
爲武帝廟室僅三楹已無餘地逮光緒戊戌年王
國棟主講推廣西邊建齋舍三楹外面西向建大
門石刻肇經書院四大隸書橫額又建稽藝亭於
正室前爲講經之所義取鄭康成戒子云博稽六
藝語以勉學生其書院規模粗備癸卯年舉行憲
政改書院爲學堂始合大雁峯開辦瓊山第一高
等小學而書院遂廢

瓊臺書院光緒甲午年楊道文駿捐銀六千元重修
改建東西齋舍二十間講堂後建藏書樓購經史
子集二萬餘卷度存其中以供諸生誦讀海外書

院多藏書實始於此選通材生肄業學爲專門之學增加膏火又建奎光閣於大門內中階以培文運逮二十八年劉太守尚倫兼道篆時舉行新政改爲瓊臺中學堂添請算術洋文教員分科講授因經費無多教科未備吳道永蒞任力爲整頓增廣校址委吳宗澄總理工程買西南一帶民房買鎮署東邊李公祠以換學校前之楊龜山公祠又移東北邊隔牆楊鳳山公祠於道前街後空地學校基址始四圍無礙中建洋樓九夾上下開四講堂並教員舍儀器室東西齋舍四川每川十二夾建造方完已費三萬餘金交道齡接任添建齋舍

瓊山縣志

卷四

建置三 學堂

至

前禮堂五夾東爲理化講堂西爲合班講堂並建大門門內東邊爲應接舍書記舍西階建諸生應接休息閱報所洋樓北邊內庭東建圖書講堂西建大客廳一切門房厨室飯廳浴所廁所俱全前後費銀四萬有奇惟瓊山饒寶華捐銀二千元其餘俱道庫款撥足舊時院宇僅存藏書樓五夾學校規制始大完備改名瓊崖中學校操場在學校東南舊都司廢署四周築圍牆場地平坦空濶案建造開辦經費均由官款支撥

蘇泉書院舊在浮粟右同治九年馮太守端本重加整頓委周書就龍王廟前座爲講堂洞酌亭觀稼

軒蘇公祠等處所有空地添建齋舍十餘間勸捐膏火銀二萬餘元以充經費後因重建蘇公祠五公祠 精舍而蘇泉齋舍所存無幾光緒二十五年郡城東學前街舊有明歐陽太守遺愛祠爲僧所占改名淨土寺稟請陳太守武純撥田產歸蘇泉將其地移建書院武純捐廉銀二百元劉太守尚倫接任捐廉銀四百元勸學界捐銀五千餘元文昌薛其和捐銀乙千元委監院張瑞鏡會同院長粘世瑤鳩工建築書樓講堂兩大座各五夾內建蘇公祠左建歐陽太守遺愛右建太守祠旁室二間外建大門照牆經始於己亥冬落成於辛丑

瓊山縣志

卷四

建置二 學堂

五

夏共費銀二千七百元有奇並銅錢五千六百五十八文繼因兩旁空濶尚無齋舍院長又託林麟之張儒衡等勸捐銀二千元添建兩旁齋舍各六間規模始備旋改設農業中學校預科畢業其產業撥入瓊崖中學校今爲瓊山中學借租

瓊山縣立第一高等小學校卽舊雁峯書院光緒二十八年知縣劉福宋將掣經書院經費併歸雁峯開設兩等小學次年知縣方紹震力加整頓延請理化洋文教員校長曾對顏並添齋舍改設講堂規制大備宣統元年改爲瓊山第一高等小學校瓊山縣立中學校民國二年開辦至四年始成立因

無校地借租蘇泉書院

瓊山縣立第二高等小學校原係肇新兩等小學堂在郡內鎮署前文昌閣開設光緒三十二年校長王國憲督工添建講堂一連七間重新文昌閣舊室并西邊建一講堂東邊廚宅此後校長李春榮買校前民房改築四邊圍牆到街開正大門校地最爲得宜

瓊山縣立第一國民學校在府城內將縣城隍廟開設移城隍神於馬皇廟內

瓊山縣立第二國民學校在西城外景行街三城會館後進

瓊山縣志

卷四

建置三 學堂

講

瓊山女子學校民國元年知事廖鶴洲督學局長王國憲設立定牛皮捐項下撥常年經費校地撥鎮前街準提閣改建

海口鎮立第一高等小學校初爲海口五行學堂拔貢林大魁開辦充任校長其經費由五行商款嗣改名五行儲實學堂又改名五行敦實學堂均賃肆舖開設民國二年移於南門內報恩祠改造講堂兩座其經費由五行糖芝蔴檳榔牛皮四項自行抽收隨時繳入學校

海口瀛海小學堂原爲瀛海書院光緒三十二年知縣方紹震舉人粘世瑄始改爲初等小學堂宣統

元年俞道鍾穎書額改爲瀛海兩等小學堂由書院原有舖兩間租息並撥牛皮捐爲經費

新民兩等小學校在演豐市光緒三十四年開學廩生林鴻茂及各紳商捐題將闕帝廟改建樓三夾廊室大門厨宅俱全常年經費由牛皮捐撥銀六百餘元後改爲外義豐鄉立第二初高等小學校月湖學堂在官隆一里原月湖書院光緒二十六年創建官隆一里永盛白石三圖捐銀三千餘元開學數年至三十二年改學堂添建講堂三夾齋舍十二間大門各宅俱全前後費銀五千餘元始成學堂常年經費由三圖公款酌撥及學生學費後

瓊山縣志

卷四

建置三 學堂

五

改爲永興鄉第一初高等小學校

優貢王國憲有記

清泉學堂在官隆三圖原清泉書院建築成後改爲兩等小學光緒三十二年成立後改爲永興鄉第

二初高等小學校

王國憲有記

鏡泉學堂在開文圖原開文書院光緒元年建設延

請有名孝廉主講培育人才文風始振光緒三十

三年改爲學堂後改爲永興鄉第三初高等小學

校邱對欣記書院之設盛於趙宋然其爲教委曲成就使人易從則足以輔太學所不及蓋大學造士之法取已成之才進以明體達用而其道嚴書院爲學始基無間於成人小子養德育才備其根本而其道寬事雖不同而理則一皆必擇賢以爲師而後可有成不愧三代之教開文圖在邑之南民風樸茂縱橫數十里環大湖嶺而居丙子春有泉湧自山麓其澄若鏡甘而且冽里人異之謂

之鏡泉因諏眾建書院於其間勝以鏡泉紀實也
顧吾觀古來聖德至而泉醴循吏入而泉甘天地
之氣鬱積而出之者往往萬斛泉源不擇地而湧
諸君既就泉以梅書院請即泉以勵士子培孩提
以孝弟則厚泉之源也勗子弟以詩書則濬泉之
本也以禮義為範則防泉之決也以廉恥固操
守則止泉之流也坎曰洧至蒙曰育德凡先王所
以教人無不泉乎是豈然則書院之建篤彝倫而
維風教若泉之始達盈科而進放乎四海盪星宿
而鼓文濤莫知所止也故於其落成序以勉之異
日者謂鏡泉高懸淵泉四達區區之意有厚望焉是為序

譚文學堂在官隆三圖嘉樂湖村張氏宗祠添建講
堂光緒三十三年開辦後改為永興鄉第四初高
等小學校

鵲峯書院光緒年間雷瓊道朱采捐廉飭瓊澄二縣
紳民同建在安仁市其市為二縣地延請知名明

瓊山縣志

卷四

建置三

學堂

五

經教育二縣士子開辦數年始有領鄉薦者至光
緒三十年改為兩等小學校

迪化兩等小學校在郡西五十里咸亮市關帝廟宣

統二年紳士王均政王夢庚邀眾紳商民等同建
設

振華高等小學校在郡西北四十里烈樓市西宣統
元年紳士鄭里鑑張魏範等邀集聯圖捐題鉅款
創建正室五夾有樓東邊隔牆建一大講堂西邊
隔牆建一大講堂中間建正廳五夾有樓外間五
夾亦有樓東西二邊建齋舍各十二間外周以圍
牆規模宏敞為瓊山小學校第一建築工費銀乙

萬餘元尚有常年經費二年開校

烈文兩等小學校在烈樓市東烈樓圖紳士王永椿等籌捐建築校地廣大建造齋舍尚未全宣統二年開校

尚志學堂在十字路字因文武兩帝廟為校舍宣統二年開辦今遵章改為瓊山仁政鄉第四初高等

小學校

登瀛義學在大槌都雄赫村

道崇學堂在縣東迎恩圖道崇墟西北隅光緒戊申年王樹勳同眾簽題撥崇文社十二甲常住迎恩圖常住各款創建今改為學校

瓊山縣志

卷四

建置三 學堂

五

石門義學在大槌一都石門村明歲貢吳旦建大學

士邱濬有記其裔孫延初秀峯重修清初嗣雋復興學產光緒年間韶節重修置產擴充學務今改

建本區初等高等學校

邱濬記今天下立學校遍

否然其立者亦或隨以廢蓋以主之者無常人而所以資給者無常費依也瓊之石門吳氏族大而蕃隱而潛德者世有其人出仕而顯名者寥寥然也至南康訓導且慨然歎曰吾族在前朝蓋常有仕人本朝百年於茲自吾祖以來以至於今讀書尚禮者固或有之未有其人出仕於時豈人人資稟皆不若人哉由夫教無定所人乏常師而其業不能專而久也乃謀諸兒界曰古人不獨國有學黨有庠而家亦有塾故人家子弟不出門闈而皆有所教故其成才也易今欲建學延師以教吾族人子弟且割田以為延師教學之費何如昇曰然此正我先人教汝讀書之意也汝能指日成之莫若是幸於是弟勸易量議皆合乃於所居之西南一里旅族人所居之間闢地一區以構學舍凡若

瓊山縣志

卷四

建置三

學堂

五

干楹既而從兄暈暈昇旻族兄頤述琅族弟迪通
 族姪渚翰亦皆翁然欣幸各捐己田總四十畝內
 以三十六畝資學教之需其三畝有奇則以供春
 秋釋菜之用既成名之日石門吳氏義學鄉人陳
 詮聞之亦割己田以助嗚呼吳氏此舉其所以嘉
 惠其後也甚遠而大非獨有功於吳族其所以為
 吾鄉人倡率俾凡一邑之人所習故家巨族者聞
 其風而興起皆建塾習儒延師教子積學尚文行
 禮以成俗保其家以承久仕其國以光榮未必不
 由於茲嗚呼豈但為一鄉一族而已哉夫吾郡處
 寰宇之外區去京師為最遠所以得齒中州而不
 為學士夫之所鄙夷者蓋以地雖僻遠而俗尚素
 淳生殖頗滋用度易給鄉無健訟之習人多忠信
 之姿又得如大司徒薛公都御史邢公者俱以儒
 科發身為國大臣名聞中外而予亦叨以經術為
 天子文學侍從之臣教國學今二公俱以老休致
 而余亦髮種種矣不日上章乞骸骨歸故鄉忽聞
 吳氏此舉為之喜而不寐非為一鄉一邑已也他
 日榮歸於家老而不死幸猶及見鄉鄉有義學家
 家行古禮人人讀儒書使申州之士不以荒鄙待
 吾人天下之人皆以文獻稱吾邦自茲以往郡之
 人才彬彬濟濟視古為盛後之人推本所自感曰

蕩蕩人才益盛是以鄉有學家有塾從石門吳氏
 始吳氏之所以倡率而舉義者則始於南康司訓
 也顧不美哉且來京師求予記故為書此非但以
 舉其一塾之成且深有望於吾鄉之所謂故家巨
 族者視此為準其
 尚趣而做法哉
 常年經費定案撥龍發市
 牛皮捐銀三百元

培根義學在大挺圖儒良村光緒甲申年廩生王澄
 清等創建黃鐘音有記
 詳在金石

應元書院在縣東大林墟光緒十四年歲貢陳廷芬

等即約亭地改建
 陳廷芬記有教育然後有人才
 有人才然後有風俗故教育者

人才風俗之所關也吾圖舊有約亭先大夫向鄉
 先生創建於大林墟東每月逢吉約斯民宣講聖
 諭使知東身修行敦本正俗以成遵道遵路之風
 然里有仁風而庠虛化兩鵲音未嘗在洋優游子
 矜佻達之詩安保其不作乎故書院之設正不容
 緩特以經費浩繁有志未逮悵然者久之時予派
 委廉州因公假旋星潘君應瑞為予言口吾里自
 先師尹東已酉登賢書越二十餘年幸君錫璋始

舉京兆迄今晨星落落文運之不昌雖由教育之
不立吾輩可及時設法創建書院為樹人計予曰
善夫詢於眾謀僉同遂於光緒丁亥元月設部捐
資并前年先大夫籌款所存合得制錢一千九百
千有奇即於約亭外重造大門一進翼室十二楹
左右庖福皆全狹者廣之低者高之汗者潔之舊
者新之規模粲然大備嗣復由各圖勸捐膏火焉
是舉也經始丁亥七月落成戊子六月潘君應瑞
林君樹華陳君鳳山實任其勞馮君麟聲曾君慕
顏林君森曾君世協楊君人瑞陳君士志曾君日
灼楊君開穎盧君大球亦同心協力而予一人特
因而成事焉顏書院曰應元蓋以事起於元月紀
其實也由是延師教讀嚴立學規師道立則善人
多諸生于于而來以道義相切磋以詩書丕啟沃
溫文爾雅蔚為國華出則為天家柱石處則為吾
道干城不僅文章之發達乘時應運大暢元成也
是則予所厚望
於繼起者矣
光緒三十四年改為兩等小學堂

宣統三年改為瓊山外義豐鄉立第一初等小學
校民國五年春復改為瓊山第二區立第四國民

瓊山縣志

卷四

建置三 學堂

五

學校

青雲兩等小學校在郡東一百八十里坡口屯周氏

大宗祠光緒三十二年開辦

謙益兩等小學校同在坡口屯光緒三十四年周克

鵬等籌款建設

鍾瑞初等小學校在聖鹿圖鍾瑞市武帝廟宣統二

月正月龍鵬泰楊毓春等邀眾捐款改建講堂後

改為永興鄉立第二初等小學校

東山書院在東山市外光緒二十二年紳士王鴻章

邀眾同建馮道光題額至三十四年改為東山

二等小學堂添建齋舍民國二年改為仁政鄉立

第一初高等小學校其經費田東山市利雜捐及關帝廟公款撥充常年六百餘金

繩正學校在縣東四十里湖塘村廣生兩廣簡易師

範畢業生陳錫慶同陳昌五林天杰等倡辦由湖

塘陳家祖典產為開辦費將陳家祠改建為校舍

以湖塘陳家祖所管沿海等處溪渡租沙土坡園

祖學堂賓興利息鹽販田租等為常年經費光緒

三十二年開校成立三十三年七月定名公立繩

正兩等小學校至民國二年改為外義豐鄉立第

一初高等學校六年又改為第二區立第一國民

高等小學校

瓊山縣志

卷四

建置三 學堂

李

凌霄書院在縣四十里許石山市光緒癸巳知縣張

士理附貢生王制宜及本都紳士等捐題建設宣

統庚戌改為學堂附生符雲官陳九如等集眾勸

捐添建旁廊兩翼規制始備每年酌撥賓興租息

以為經費

儲英小學校在烈樓墟傳桂村宣統二年吳愛祖秦

祚等倡立校舍即吳氏祖祠改造撥儒吳賓與吳

氏祖祠承嘗共銀三千餘元生息為常年經費

濱江初等高等小學校在麻長西江里常年經費從

牛皮捐款項內撥銀二百四元嶺脚市牛脚筋租

息銀六十元西江里鴨埠稻鹽租息銀一百二十

元有勒碑

明義初等小學校在麻長坡崙村常年經費從牛皮捐撥銀二百二十元嶺脚市牛脚捐銀二十元

明道初等小學校在麻長孫公廟常年經費從邑中牛皮捐撥銀二百二十元嶺脚市牛脚捐銀二十元

潭江初等小學校在麻長蒼木村常年經費承辦嶺脚市牛皮捐商報效銀五十元牛脚筋租息銀二十元

十元

蒼興一初等小學校在陳村廟常年經費本圖常住撥銀五十元興賢賓興撥銀二十五元文會賓興撥銀十五元勸捐學額二十七名銀二百四十元

瓊山縣志

卷四

建置三

學校

空

作聖高等小學校在萬都雲龍市常年經費由邑中

牛皮捐撥銀五百三十元本市牛捐抽收銀五十元

道讓初等小學校在萬都道讓村

尚武初等小學校在官隆三圖道武村張氏祖祠民

國二年張夢霄邀聯村開辦常年經費張氏祖項

酌撥多數

開智初等小學校在大攝二都桃園村借秦家祖祠

為校舍民國二年開辦秦學兼邀眾設撥圖中賓

興及學生學費為常年經費

梅江初等小學校在第二區內義豐鄉後改為第十

二國民學校

龍文高初等小學校在龍塘市改造灶公廟為校舍
宣統二年紳士吳晉翔周學孔等開辦

陶文初等小學校在文彩村文昌閣宣統三年王升
贊王魁三等開辦

抱元初等小學校在抱元文昌閣宣統三年紳士王
之敬吳京廣等開辦

敬業初等小學校在抱元圖仁何村何氏宗祠宣統
三年何上運等開辦

洋洛初等小學校在抱元圖洋洛村杜氏宗祠宣統
三年杜益齡等開辦

崇本初等小學校在龍橋市改造灶公廟為校舍宣

瓊山縣志

卷四

建置三 學校

六

統二年鄧九修等開辦

符氏國民學校在縣東五十里瑤城村以宗祠為校
舍宣統元年開辦常年經費由祖孫嘗籌銀三百
餘元

鰲峯初等小學校在靈山市改鰲峯社學為校舍光
緒戊申年開校

培英高等小學校在東路第四區宣統元年開辦設
立於大掌村陳氏祖祠其經費由培英賓興及眾
村捐題銀二千餘元創辦人廣東初級師範生葉
鳳藻瓊南法政畢業生賈國霖

蔚起國民學校在東路第四區永興鄉立民國二年

建設於西坡村龍繼宗祖祠其經費由蔚起賓興及眾村捐題銀二千三百元有奇創辦人陳鳳昌龍朝恩

仁政鄉立第二初等高等小學校宣統元年紳耆王國楨王賢先王綏爵陳士心等捐貲開辦常年經費撥承豐市利牛皮捐等款

仁政鄉立然達國民學校民國二年紳耆林春暉吳玉樹廖漢明等共設其常年經費由各賓興公款利息撥充

雲梯義學在縣東十餘里下東岸園光緒二十年紳士謝庭芝等稟請知縣鄧炳春設立於湧潭村謝

瓊山縣志

卷四

建置三

學校

三

氏祖祠撥新市牛捐款充常年學費民國元年謝紹南謝明哲張肄雅吳世忠等捐資創辦改爲維新初等小學今改爲第一區第一國民學校其常年經費定案撥新市牛皮捐並各款捐以充學費

第一區

第二國民學校在海口胭脂園

第三國民學校在東頭市

第五國民學校在海口南門街

第六國民學校在攀丹村

崇本國民學校在海口得勝沙

第二區

第四國民學校在大林市

第五國民學校在塔市

第六國民學校在羅梧村
第三高等小學校

第七國民學校在邁德村

第八國民學校在龍窩村

第九國民學校在瑤山村

第十國民學校在崖城村

第十二國民學校在美容村

第十四國民學校在美峯村

第十五國民學校在珊鏗村

第十六國民學校在梅峽村
第四高等小學校

瓊山縣志

卷四

建置三

學校

六

明新國民學校在烏石村

道學國民學校在道學村

第三區

第四國民學校在西江村
第四高等小學校

第五國民學校在蛟頭村

第六國民學校在甲子市

第八國民學校在桃村

第九國民學校在坡崙村

第十國民學校在美里村

第十一國民學校在南面村

第十二國民學校在文嶺村

第十三國民學校在蒼木村

第十四國民學校在舊州市

第十五國民學校在雅蔡村

第十六國民學校在美仁村

第十七國民學校在蓮塘村

第十八國民學校在桃園村

第十九國民學校在鳳尾村

第二十國民學校在龍袍屯村

第二十一國民學校在道武村

第二十二國民學校在上昌村

第二十三國民學校在雅黃村

瓊山縣志

卷四

建置三 學校

五

第二十四國民學校在田邊村

第二十五國民學校在包道村

第二十七國民學校在坡秀村

第二十八國民學校在昌頭村

第二十九國民學校在嶺后村

第三十國民學校在嶺脚市

第三十一國民學校在雲龍市

第三十二國民學校在石門村

第三十三國民學校在道統村

第三十四國民學校在偏雲村

第六高等小學校在龍發村

第七高等小學校在長塢尾鏡泉

西園國民學校在美管村

蒼興國民學校在陳村宮

蔡氏國民學校在文多下村

育德國民學校在美本村

文多國民學校在文多中村

開新國民學校在仁讓村

福善國民學校在福泰村

龍交國民學校在龍交村

第四區

第二國民學校在沙港村

瓊山縣志

卷四

建置三

學校

六

第三國民學校在甘村

第四國民學校在大掌村

第五國民學校在鍾瑞市

第六國民學校在土地羣

第七國民學校在道重村

第八國民學校在寶湖村

第九國民學校在福高湖村

第十國民學校在下田村

第十一國民學校在西坡村

第十二國民學校在縵統村

第十三國民學校在廣洋村

第十四國民學校在邊城村

察各區國民學校採訪未盡詳明良由經費無多或開或停時有不免此從勸學所調查表備錄

農業試驗場在小南門外民國三年租瓊臺學校公地建設次年停辦今改設瓊崖苗圃試驗場移設北郊外大教場東邊舊營盤地

通俗圖書館民國六年知事周果開設在愛生醫院後進附閱報所

瓊臺書院田

一瓊山縣天堂庄田二百七十九坵零一截每年額收租米四百二十八筭折繳價錢五十五千

瓊山縣志

卷四

建置三

書院

六七

六百四十文分兩季繳

一瓊山縣牛車肚庄田一百二十八坵每年額收租米三百八十三筭折繳價錢一百二十四千

七百九十文分兩季繳

一瓊山縣北冲庄田八坵每年額收租米二十八筭折繳價錢二千九百九十文分兩季繳

一瓊山縣河口田一十七坵每年額收租米三十筭折繳價錢四千一百六十文分兩季繳

按書院碑載天堂牛車北冲河口四處田每年共租米八百九十四筭四升八合現交庫大使批佃承耕實收租米八百七十一筭計短收租

米二十三筭四升八合未審因何豁減及始自何年茲特註明以俟查考府志

一瓊山縣南坤峒田每年繳租錢二千文此田置買年月未詳

一定安縣土名牛路邁粗陳村門口埔等田十六

丁計二百三十坵每年額收租米三百四十五

筭一升內除九十筭完糧實存米二百五十五筭一升又土名蒙頭溝

低陳村埔等田十一丁計一百四十七坵每年

額收租米三百筭內除八十筭完糧實存米二百二十筭每年二

共折繳價銀七十六兩二錢三分六厘

一文昌縣詳報丈溢林渭仁充公田係乾隆三十

瓊山縣志

卷四

建置

書院田

六

二年巡道王錦撥入書院每年折繳租銀四十

九兩二錢三分分兩季繳

一儋州詳報丈出客民續墾蔗地除撥歸東坡書

院外乾隆三十二年巡道王錦批撥租錢三百

千文每年解歸書院嘉慶八年知州曹世華查

地多荒廢無力墊解詳請減租錢五十千文二

十四年署知州鄧寅春因各墾戶逃散征收不

足稟巡道批准將應解蔗地租錢一百五十千

文內除一百千文分派各州縣勻捐其餘五十

千文仍歸儋州征解每年瓊山澄邁各捐解錢一千零八百文定安文昌

萬州崖州臨高各捐解錢九千二百文會同樂會各捐解錢七千二百文儋州除應征解錢五

十千文外仍身派一分捐錢九千二百文共計錢一千千文

- 一 道光五年價買澄邁縣岑崙市考董庄田一百零二坵計七十八畝零原收租米一百二十石又慷慨庄田七十五坵計六十九畝四分零原收租米一百一十九石又走馬庄田一百六十七坵計一百四十六畝二分零原收租米三百八十七石以上三庄共田三百四十四坵計二千九百九十三畝七分零共用價銀一千五百圓每年通共收租米六百二十六石大石較瓊山石折繳制錢一百一十五千文分兩季繳原載民米三斗二升一合黎米四石九斗七升三合每年完丁

瓊山縣志 卷四

建置四 書院田

六

賦銀五兩一錢五分九厘正耗襍費在內

- 一 道光五年契買臨高縣多文庄田一百三十九坵後將小坵併八大坵實田一百二十坵原載苗米三石八斗五升三合用價銀一千四百圓每年批佃承耕折繳租錢一百三十千文分兩季繳

- 一 嘉慶二十四年契買瓊山縣署前仁和坊民房一所坐北向南正屋三楹并兩廊厨舍共十二間用價銀五百一十圓每年收租錢三十千文

分兩季繳

- 一 嘉慶二十五年巡道費內章倡捐生息一項本錢三百五十千文交瓊山縣發商生息每年收

息錢五十四千六百文分四季繳

一道光二年巡道周鳴鑾倡捐生息一項本銀一

千五百二十六兩九錢換得銅錢一千九百六

十四千零八十三文交瓊山縣發商生息每年

收息錢二百三十二千零九十二文分四季繳

一道光五年巡道周鳴鑾續捐生息一項本錢四

百千文交庫大使發商生息每年收息錢六十

二千四百文分四季繳

一道光七年巡道喻溥捐助生息一項本錢四百

千文交瓊山縣發商生息每年收息錢四十八

千文分四季繳

瓊山縣志 卷四

建置四 書院四

七

一乾隆四十四年吳元貞送入定安土名坡村田

四丁值價銀三百八十兩每年收租錢二十八

千文道光十五年十二月署巡道張培春具定

安縣詳批准吳宏斌孫吳大禹照原價贖回所

繳價銀易制錢五百五十二千九百文交瓊山

縣發商生息每年收息錢六十六千三百四十

八文分四季繳

一各州縣每年捐解東修銀共六十兩瓊山儋州各六兩澄

邁文昌定安萬州崖州各五兩臨高會同樂會陵水各四兩昌化感恩各三兩五錢

以上各項田地租息及各州縣捐解修金每年

通共收紋銀一百八十五兩四錢六分六厘并

制錢一千零九十六千四百二十文

雁峯書院田

一澄邁縣那堯簡庄等田共一十三丁并七十七
坵又自冲頭至冲尾一帶相連一坵道光三年
紳士吳玠繳出田契六紙共抵銀一千九百圓
每年額收租米五百五十八大筭原載苗米二
斗三升黎米三石一斗一升民米九升屯米六
斗照數本色輸納並無雜費

一縣屬攀丹北麻等處田共九十工前知府賈棠
捐入義學道光三年撥歸書院每年收租米一
百八十筭內除完糧又將米二十五筭撥給禮

瓊山縣志

卷四

建置四 書院田

七十一

生外實存米一百五十五筭

一道光三年契買吳大章澄邁西黎都大類庄等
處田共一十八丁計一百八十坵用價錢七百
四十二千五百文每年共收租米三百四十大
筭原載苗米四石一斗三升一合五勺又契買
澄邁西黎都黑面村土名那塘馬填后頭下塘
等處田共二丁半計四十一坵用價錢二百二
十五千文每年共收租米一百大筭原載苗米
六斗以上其田二十丁半每年共納地丁銀五
兩三錢七分三厘民米一石零四升五合七勺
道光四年撥入瓊山縣崎哈甲公田內輸納並

無雜費

一咸豐五年契典鄭芝庭定邑嶺口庄扶南洋山
脚等處田一十三丁半計大小田五百四十三
坵半隨田秧地四十五坵半用典價錢二千四
百六十六千文雜費錢五十五千七百七十文
每年共收租米一千零五十筭種子二十一石
六斗五升原載條銀二兩零三厘倉米四斗九
升一合

一咸豐六年契買林中麟臨邑漢眉庄武黎等處
田一百五十九坵種子三十二石八斗七升並
澄邑一十六坵種子二石五斗零三合共用價

瓊山縣志 卷四

建置 書院

十一

錢二千二百千文印契雜費錢二百三十八千
七百文每年共收租米一千筭原載臨邑苗米
五石六斗一升六合澄邑苗米三斗七升四合
一府學前舖屋六間坐南向北道光三年撥入書
院每年共收租銀四十圓

一當商悅來義利等節省公費撥入書院每年應
繳洋銀二百八十圓

一知縣于學質簽捐錢文分兩次發商生息一次
本錢一千二百千文每年收息錢一百一十五
千二百文又一次本錢八百千文每年收息錢
九十六千文

俱四季分繳

一知縣蘇榮簽捐生息一項本錢三千千文收息錢二百八十八千文四季分繳

一重建雁峯書院捐資存錢二千餘千文

以上三項共錢七千餘千文除置買田地外尙存錢二千餘千文又每年租米三千二百零三石又撥郡公費及舖租等項銀三百二十圓俱交首事經理發商生息除支銷師生修火外餘存生息以資歲時修葺之費其首事闔邑公舉端方殷實紳士充當三年輪換

寶興田

一縣屬加丁坡庄等處田二十六丁完糧銀六兩

瓊山縣志

卷四

建置四 書院田

三

一錢九分八厘二毫民米一石五斗三升八合每年共收租米五百七十七大石

按此田係雍正三年闔邑士民按糧捐置以給里胥編審諸費乾隆四十一年編審奉裁邑人呈請知縣汪屋將田撥爲寶興之資府志

一新置掃晒坡庄等處田六大丁并申田六丁完糧銀一兩四錢零一厘民米三斗三升八合每年共修租米五百一十七大石

一新置木色庄等處田二十丁完糧銀九錢六分二厘民米三斗六升三合每年共收租米三百二十四大石

一新置加橫庄等處田九丁每年共收租米二百零一大石又加令庄田一丁每年收租米二十八石每石得北中共完糧銀一兩二錢九分老一老五升民米二斗二升七合

按新置掃晒坡等田四庄係嘉慶二十四年恩貢生吳玠捐出洋銀五千圓交舉人王承烈經理除置田外尙存銀二百圓撥為府學香火費有碑記府志

以上新舊賓興田每年通共額收租米一千六百三十五大石俱交經理首事催收知會近郡紳士隨時變價俟大比之年諸紳訂期齊集交

瓊山縣志 卷四

建置四 賓興田

七十四

明樓祭祀畢將積存銀數公同核清除支浮粟泉蘇公祠并伏波廟香火及完糧各費外餘存若干為鄉會試卷資其首事公舉殷實者二人經理三年輪替

按瓊山新舊賓興并雁峯書院田丁賦向寄各花戶輪納道光四年瓊山知縣于學質俱撥入畸畝甲公田戶內輪納每兩止加耗銀一錢六分九厘民米每石繳紋銀五兩一錢并無雜費通年照數完納府志

新置臨高水南洞田庄光緒二十六年由道庫款下撥銀七千元購此田庄每年穀二百車充瓊臺膏火